

Tako Autorin!

Pesë mësimë për fëmijë mbi
Personin dhe punën e Frymës së Shenjtë

Teksti: Paul Reid
Ilustruar nga: Tim Shirey

JU LUTEMI VINI RE!

Vizualet për këtë seri mund të blihen në pjesën më të madhe të zyrave të BUF-it dhe në dyqanet në internet. Për një listë të zyrave të BUF-it dhe dyqaneve në internet në Evropë, ju lutemi vizitoni www.teachkids.eu/al dhe kliko mbi “Vendet”.

Teksti i publikuar nga: CEF® of Europe
Kilchzimmer
4438 Langenbruck
Switzerland
www.cfeurope.com



BUF SH
BASHKËSIA E UNGJILLIZIMIT
TË FËMIJËVE E SHQIPËRISË®

Copyright © 2009 Child Evangelism Fellowship® of Europe
Të gjitha të drejtat e rezervuara. Përdorur me leje.
Mund të riprodhohet vetëm për përdorim personal, shërbese,
jofitimprurës ose jo-komercial. Vizitoni www.teachkids.eu/al
për më shumë detaje mbi lejen e përdorimit.

Pasqyra e lëndës

Mësimi		Faqe
Hyrje		3
Përmbledhje		6
Mësimi 1	Kush është Fryma e Shenjtë dhe si është Ai?	7
Mësimi 2	Fryma e Shenjtë na dha Biblën	13
Mësimi 3	Fryma e Shenjtë jep jetë	19
Mësimi 4	Fryma e Shenjtë, Shoqëruesi i Besimtarit	25
Mësimi 5	Fryma e Shenjtë u jep forcë fëmijëve të Perëndisë	33
Bibla kurrë nuk vjetërohet (aktivitet - mësimi 2)		39
Labirint (aktivitet - mësimi 3)		40
Fryma e Shenjtë ndihmon kur djalli sulmon (aktivitet - mësimi 4)		41
Përmbledhje e hapave për këshillimin e fëmijës që dëshiron të vijë tek Krishti		42

Hyrje

Shumë e shumë fëmijë kanë pak ose aspak njohuri për këtë Person të Hyjnisë.

Ka shumë koncepte të gabuara për Personin dhe punën e Frymës së Shenjtë. Idetë ekstra-biblike janë të zakonshme, për shembull idea që nën ndikimin e Frymës së Shenjtë të Perëndisë njerëzit rrëzohen në tokë, mbeten të shtangur ose bërtasin në mënyrë të pakontrolluar.

Mësimet kanë për qëllim kryesisht fëmijët më të rritur dhe disa shprehje dhe metoda mund të jetë e nevojshme të përshtaten për fëmijët më të vegjël.

Është e qartë se në pesë mësimet mund të përfshihen vetëm disa aspekte të mësimin mbi Personin dhe punën e Frymës së Shenjtë. Për shembull nuk ka mësim mbi dhuntitë e Frymës. Nëse doni të përfshini pak më shumë mësimdhënie mbi këtë temë, mund ta gjeni në serinë *Të vërteta të mëdha në librin e Romakëve* (*Great truths in the book of Romans* gjithashtu i publikuar prej CEF® të Europës).

Do t'ju rekomandonim që ta jepni mësim të gjithë serinë, sistematikisht, javë pas javë në rendin e dhënë. Alternativisht mund të zgjidhni mësimet për raste të veçanta. Mësimet 1-3 janë më shumë ungjillizuese. Ata mund të përdoren për të prezantuar ungjillin në ambjent të jashtëm, kamp ose Klubin Lajmi i Mirë. Mësimet 4 dhe 5 janë shkruar me synimin që të ndihmojnë fëmijët e krishterë të rriten në jetën e tyre frymërore.

Secili mësim nuk është bazuar në një histori të veçantë biblike, kështu që në mësimin tuaj do të keni nevojë të përfshini metoda të ndryshme si dhe tregim. Teksti i mësimin përfshin pyetje dhe përgjigje, çështje studimi, punë në grupe, luajtje roli dhe aktivitete. Sigurisht që mund të mos e shihni si të përshtatshme çdo metodë për klasën ose grupmoshën që keni. Ndiehuni të lirë ta përshtatni sipas nevojave tuaja!

Besojmë që do të kënaqeni duke përdorur metoda të ndryshme për t'i ndihmuar fëmijët të kuptojnë dhe zbatojnë në jetët e tyre këto të vërteta të mëdha.

Vetë Fryma e Shenjtë ju bekoftë ndërsa ua jepni mësim fëmijëve këtë doktrinë të mrekullueshme. Ai është Mësuesi i Madh (1 Korintasve 2:13).

Mësimdhënia e të vërtetave biblike

Ne nuk marrim përgjegjësitë tona si mësues nëse u tregojmë fëmijëve vetëm histori biblike. Është thelbësore që fëmijët të mësojnë ato të vërtetat për të cilat këto histori u shkruan dhe që ne më pas t'i çojmë ata një hap më përpara duke i treguar se çfarë kuptimi ka e vërteta për ta në jetët e tyre të përditëshme. Sigurisht që nuk mund të mbulojmë të gjithë mësimin që çdo histori e veçantë jep, kështu që në çdonjërin prej këtyre mësimëve është zgjedhur një e vërtetë qendrore. Mësimi i së vërtetës qendrore është ndërthurur përgjatë tregimit, por për t'ju ndihmuar në përgatitjen tuaj, sesionet e mësimin janë shënuar me "VQ". Këto janë shënuar gjithashtu edhe në planin mësimor.

Do të shihni që të vërtetat qendrore janë shënuar me një "P" ose një "Sh" për të treguar se kujt fëmijë i zbatohet e vërteta – të pashpëtuarit apo të shpëtuarit. Kjo është bërë gjithashtu e qartë edhe në tekst duke përdorur fraza si, "Nëse nuk i ke besuar Zotit Jezus për faljen e mëkateve..." ose "i krishterë, ti...".

Zbatimi i së vërtetës është shënuar me një vijë anash tekstit. Mund ta gjeni me vend që t'i përshtatni zbatimet ashtu si u përshtaten më mirë fëmijëve që juve u jepni mësim. Për shembull zbatimi mund të përdorë emrin e një djalë, por ju keni vetëm vajza në grup. Mund të ndodhë që zbatimi i dhënë është më i përshtatshëm për fëmijë më të rritur, ndërsa në grupin tuaj janë shumë të vegjël. Bëni ndryshimet që i ndieni të nevojshme. E rëndësishme është që Fjala e Perëndisë të zbatohet në jetët e tyre.

Vendoseni veten tuaj në dispozicion për këshillim

Kur prezantoni mesazhin e ungjillit, do të ketë fëmijë që do të reagojnë ndaj tij në mënyrë të pavarur. Ata mund ose mund të mos ju thonë që i kanë besuar Zotit Jezus Krisht si Shpëtimtar. Megjithatë, do të ketë të tjerë që do të duan pak ndihmë. Ata mund të kenë pyetje për të bërë; ata mund të kenë nevojë për ndihmë ose inkurajim për të ditur se çfarë të thonë.

Ndërsa u jepni mësim fëmijëve të shpëtuar, mund të ketë raste kur ata do të duan këshillë për një situatë të vështirë; mund të kenë nevojë për qartësim për mënyrën se si zbatohet një mësim i veçantë në jetë e tyre të përditëshme; mund ta gjejnë veten e tyre në një situatë në të cilën nuk e dinë se çfarë thotë Bibla për atë që duhet të bëjnë; ata mund të tregojnë për një vështirësi në mënyrë që ju të luteni për ta, veçanërisht nëse jeni e vetmja mbështetje e krishterë që ata kanë.

Për këto arsye është e rëndësishme që fëmijët të dinë se ju jeni në dispozicion për të folur. Është gjithashtu e rëndësishme që ata të dinë se kur dhe ku të shkojnë kur duan të flasin me ju. Së fundi, është thelbësore që fëmijët e pashpëtuar të mos e ngatërrojnë të ardhurit tek Zoti Jezus me të ardhurit tek ju.

Në të gjitha rastet nuk duhet ta vini veten tuaj në dispozicion në të njëjtën kohë ndërsa jepni ftesën e ungjillit, në mënyrë që fëmijët të mos kenë kurrë përshtypjen se ata nuk mund të vijnë tek Krishti pa ardhur tek ju, ose se thjeshtë janë të shpëtuar duke pritur që të flasin me ju.

Një shembull për t'u përdorur me fëmijën e pashpëtuar

“A dëshiron vërtetë të jetosh për Zotin Jezus, por nuk e di se si të vish tek Ai? Me kënaqësi do ta shpjegoj nga Bibla; eja dhe më tako. Do të jem tek ajo pema kur të mbarojë takimi. Mbaj mend se unë nuk mund të ta heq mëkatën – vetëm Zoti Jezus mund ta bëjë këtë – por me kënaqësi do të të ndihmoj të kuptosh më mirë se si mund të vish tek Ai. Eja dhe ulemi tek ajo pema.”

Një shembull për t'u përdorur me fëmijën e shpëtuar

“Nëse e ke besuar Zotin Jezus si Shpëtimtar dhe nuk më ke treguar asnjëherë për këtë, të lutem më trego. Do të jem tek piano pasi të mbarojë takimi. Do të doja ta dija nëse edhe ti e ke besuar Zotin Jezus si Zotin dhe shpëtimtarin tënd, që të mund të lutem për ty dhe ndoshta të të ndihmoj.”

Vargjet përmendësh

Nuk është dhënë për çdo mësim një varg nga shkrimi për t'ua mësuar fëmijëve. Në vend të kësaj kemi përfshirë tre vargje. Këshillohet që të mësohen mirë dy ose tre vargje, të cilat fëmijët do t'i mbajnë mend më pas. Nëse përpiqeni t'ua mësoni pesë vargje (një për çdo mësim) fëmijët mund të mos mësojnë mirë asnjërin prej tyre.

Praktikim për përdorimin e vizualeve

Është me mend që të praktikoni përdorimin e vizualeve para se t'ua jepni mësim fëmijëve. Mësohuni me flashkard (pikturat) që ta dini se kur do t'i përdorni në mësim.

Ndihmat vizuale shtesë

Në një letër printoni fjalët e së vërtetës qendrore për çdo mësim. Nëse po përdorni një flanelbord, ngjiteni letrën me flanel nga mbrapa. (Përdorni shkronjat e vogla, që edhe të vegjëlit mund t'i lexojnë me lehtësi fjalët). Vendoseni këtë letër në tabelë në fillim të mësimt ose kur jepni mësim për herë të parë të vërtetën qendrore në mësim.

Ndihma shtesë

Përgjatë hapësirave në të djathtë dhe në të majtë, janë vendosur ndihma shtesë, që japin informacion në sfond dhe ide opsionale se si ta bëni mësimin më interesant.

Këto ide janë dizenuar që të përfshijnë stile të ndryshme të mësuari. Që të mësojnë me efektshmëri, disa fëmijë kanë nevojë të shohin ose të shkruajnë, të tjerët kanë nevojë të dëgjojnë ose flasin, të tjerët kanë nevojë të prekin ose të mbajnë dhe të tjerë kanë nevojë për pjesëmarrje aktive.

Sipas kohës që keni mund t'i përdorni këto ide në klubin tuaj.

Përsëritja e pyetjeve

Për çdo mësim janë dhënë disa pyetje për përsëritje. Këto mund të përdoren pas mësimit ose javën e ardhshme, para se të jepet mësimi i ri.

Koha e përsëritjes, nëse bëhet me rregull, mund të jetë një mundësi ideale për të përforcuar atë që keni dhënë mësim, ndërsa është edhe argëtuese për fëmijët. Mund ta përdorni këtë kohë për...

- 1 të parë se sa kanë kuptuar fëmijët dhe sa kanë mbajtur mend.
- 2 t'ju ndihmuar se çfarë të theksoni më shumë ndërsa jepni mësim në mënyrë që fëmijët të mbajnë mend më mirë.
- 3 të pasur një kohë argëtimi në klasë. Fëmijët i pëlqejnë garat dhe mezi i presin këto pjesë të programit. Por është më shumë se sa vetëm një lojë: është një kohë mësimi.

Në tekst janë përfshirë vetëm pyetjet mbi mësimin. Do të ishte e dobishme që të përfshiheshin edhe pyetje mbi këngët, vargjet dhe çdo gjë tjetër për të cilën do të jepni mësim.

Përmbledhje

Mësimi	E Vërteta Qendrore	Zbatimi	Vargu përmendësh
Kush është Fryma e Shenjtë dhe si është Ai? Zanafilla 1:2 Gjoni 16:7 Veprat 5:1-11 Zbulesa 22:17	Fryma e Shenjtë është Perëndi, njëri nga Personat e Trinitetit	I Pashpëtuar: Lëre Atë të të tregojë rrugën e shpëtimit I Shpëtuar: Lëre Atë të të japë forcën e Tij për të bërë atë që është e drejtë	“...Kur të vijë ai, Fryma e së vërtetës, ai do t’ju prijë në çdo të vërtetë...” Gjoni 16:13
Fryma e Shenjtë na dha Biblën Isaia 9:6 2 Pjetrit 1:21	Fryma e Shenjtë është Autori i Biblës	I Pashpëtuar: Bindju mesazhit të Biblës – kthehu tek Krishti për shpëtim I Shpëtuar: Lexo të paktën një varg nga Bibla çdo ditë	“...por njerëzit e shenjtë të Perëndisë kanë folur, të shtyrë nga Fryma e Shenjtë” 2 Pjetrit 1:21
Fryma e Shenjtë jep jetë Veprat 2:36-41 Gjoni 16:8	Fryma e Shenjtë na tregon mëkatit tonë dhe jep jetë	I Pashpëtuar: Kërkoji Perëndisë të të japë jetë të përjetëshme nëpërmjet Frymës së Tij I Shpëtuar: Falendero Zotin që ke jetë të përjetëshme	Përsëritje Gjoni 16:13 dhe 2 Pjetrit 1:21
Fryma e Shenjtë Shoqëruesi i besimtarit Gjoni 14:17 2 Korintasve 3:18 Efesianëve 4:30 Romakëve 8:4,15-16 1 Gjonit 2:3	Fryma e Shenjtë jeton tek besimtari	I Pashpëtuar: Eja tek Zoti Jezus, ndërsa Fryma e Shenjtë të flet I Shpëtuar: Falenderoje Atë çdo ditë për punën e Tij të mrekullueshme në jetën tënde	“...Ai që është në ju është më i madh se ai që është në botë” 1 Gjonit 4:4
Fryma e Shenjtë u jep forcë fëmijëve të Perëndisë Romakëve 8:26 Veprat 1:8 Gjoni 14:26-27 Gjoni 16:13 Efesianëve 4:30,32 Isaia 63:10	Fryma e Shenjtë ndihmon fëmijët e krishterë që t’i pëlqejnë Perëndisë	I Shpëtuar: Kërkoji Atij që të të ndihmojë dhe besojë Atë se do të të ndihmojë	Përsëritje 1 Gjonit 4:4

Mësimi 1

Kush është Fryma e Shenjtë dhe si është Ai?

Shkrimi për mësuesit

Zanafilla 1:2

Gjoni 16:7

Veprat 5:1-11

Zbulesa 22:17

E vërteta qendrore

Fryma e Shenjtë është Perëndi, njëri nga Personat e Trinitetit

Zbatimi

I Pashpëtuar: Lëre Atë të të tregojë rrugën e shpëtimit

I Shpëtuar: Lëre Atë të të japë forcën e Tij për të bërë atë që është e drejtë

Vargu përmendësh

“...Kur të vijë ai, Fryma e së vërtetës, ai do t’ju prijë në çdo të vërtetë...” Gjoni 16:13

Ndoshta do të ishte më mirë që fëmijët ta mësonin vargun përmendësh **pas** mësimin biblik, sepse një shpjegim për vargun jepet gjatë mësimin.

Ndihmat vizuale

- ◆ Pikturat: 1-1, 1-2, 1-3, 1-4, 1-5, 1-6 dhe 1-7
- ◆ Shirita fjalësh: “Fryma e Shenjtë është Perëndi, njëri nga Personat e Trinitetit” (e vërteta qendrore) dhe “Lëre Atë të të japë forcën e Tij për të bërë atë që është e drejtë” (zbatimi për fëmijën e shpëtuar)
- ◆ Kuba Lego
- ◆ Figurë tërfile
- ◆ Glob (nëse është e mundur)
- ◆ Vargje biblike të shkruara në karta (shih pikturat

1-3 dhe 1-6)

Skica e mësimin

Hyrje

Autori i një libri që ju pëlqen

Zhvillimi i ngjarjeve

- 1 Fryma e Shenjtë është Perëndi VQ
- 2 Ai është një pjesëtar i Trinitetit VQ
- 3 Ai është një Person, jo një influencë
- 4 Ai është një Person i mrekullueshëm sepse Ai është i përjetshëm
- 5 Ai është një Person i mrekullueshëm sepse është kudo VQSh
- 6 Ai është shumë i mrekullueshëm sepse Ai është i shenjtë VQ
- 7 Nuk ka gjë më të madhe sesa të njohësh Atë dhe ta duash Atë dhe nuk ka gjë më të keqe sesa ta trishtosh Atë

Përfundimi

Fryma e Shenjtë është në të vërtetë i shenjtë dhe zbulon mëkatin tonë VQP

Ai dëshiron të të drejtojë ty për tek Krishti VQP

Mësimi

★ **Hyrja:** Autori i një libri që ju pëlqen.

Kur lexoni ndonjë libër që ju pëlqen, a mendoni ndonjëherë për autorin, personin që e ka shkruar librin? Nëse do të kishit mundësi ta takonit, çfarë pyetjesh do t'i bëje?

Lërimi fëmijët të përgjigjen.

Do të mësojmë për një Autor shume të veçantë sot, Dikë që ka shkruar Librin më të rëndësishëm që është shkruar ndonjëherë. Gjithashtu është një libër që është lexuar nga miliona njerëz. Ky libër është Bibla dhe Autori është Fryma e Shenjtë. Jam i sigurt se do të kënaqeni duke mësuar rreth Tij dhe duke e njohur Atë.

Piktura 1-1

★ **Zhvillimi i ngjarjeve:** Fryma e Shenjtë është Perëndi.

Fryma e Shenjtë është Perëndi.

Bibla, Fjala e Perëndisë, na tregon që ka vetëm një Perëndi të vërtetë dhe të gjallë. ("Përveç meje nuk ka Perëndi" - Isaia 44:6b.) Ai është Ai që e bëri universin. Ai bëri miliona yje që duken si dritëza të vogla lart në qiell. Ai bëri lulet në fusha, Ai na bëri ty dhe mua.

Bibla na tregon se Perëndia e krijoi këtë botë. "Krijoi" do të thotë që "e bëri nga asgjëja". Ti dhe unë mund të bëjmë diçka nga një material tjetër. Për shembull mund të bëjni një shtëpi me kubat Lego, mund të bëni një rrugë në plazh me rërë dhe gurë, ose mami juaj mund t'ju bëjë drekën me ushqimet që blen në dyqan.

Piktura 1-2

★ **Zhvillimi i ngjarjeve:** Ai është një pjesëtar i Trinitetit.

Ka tre Persona në këtë Perëndi. Ne i quajmë ata Trinitet. Kjo është shumë e vështirë për t'u kuptuar dhe shpjeguar, por ne e dimë që është e vërtetë sepse e gjejmë atë në Bibël, Librin që na e ka dhënë Perëndia.

Tre Personat në një Perëndi janë Perëndia Atë, Perëndia Bir (Zoti Jezus Krisht) dhe Perëndia Frymë e Shenjtë. Perëndia është kaq madhështor sa që ne në të vërtetë nuk mund ta kuptojmë Atë plotësisht me mendjet tona të vogla.

Ky trekëndësh shpjegon pak se si mund të jetë vetëm një Perëndi dhe megjithatë janë tre Persona. Trekëndëshi ka tre anë por është vetëm një trekëndësh. Kjo figurë tregon atë që ne e quajmë një trekëndësh barabrinjës. Ndoshta keni dëgjuar për këtë në mësimin e matematikës. Do të thotë që të treja anët e trekëndëshit janë të barabarta dhe të tre këndet janë të barabarta.

Të tre Personat në një Perëndi janë të barabartë në mirësinë dhe dashurinë dhe fuqinë e tyre. Perëndia Frymë e Shenjtë është po aq i përsosur sa edhe Perëndia Atë. Perëndia Bir, Zoti Jezus, është po aq i mirë sa Perëndia Frymë e Shenjtë.



Piktura 1-1

Shfaqni kartën me të vërtetën qendrore: "Fryma e Shenjtë është Perëndi, një prej Personave të Trinitetit".

Metoda: Një fëmijë të dalë përpara dhe të ndërtojë një shtëpi (ose mur) me kubat "Lego". Pastaj largojini kubat dhe kërkojini që të ndërtojë një shtëpi

Shfaqni kartën me të vërtetën qendrore.

Piktura 1-2

Shfaqni kartën me të vërtetën qendrore.

VQ

VQ

Qindra vite më parë, një njeri i quajtur Patrik shkoi në ishullin e Irlandës për t'i mësuar njerëzit për Perëndinë. Ai u përpoq që të shpjegonte idenë e Trinitetit me një gjethe tërfilli.

Tregoni një figurën tërfilli.

Piktura 1-3

★ **Zhvillimi i ngjarjeve:** Ai është një Person, jo një influencë.

Disa njerëz mendojnë se Fryma e Shenjtë është diçka si forca e gravitetit ose elektricitetit. Nuk është ashtu. Ai është një Person. Një Person është dikush që mund të mendojë, të kuptojë dhe të dijë, që mund të dojë. Fryma e Shenjtë gjithashtu mund të mendojë, Ai mund të kuptojë dhe dijë. Në fakt Ai di gjithçka që duhet ditur! Ai mund të dojë – Ai do gjithçka që është e mirë dhe e drejtë. Ai urren gjithçka që është e gabuar.

Do t'ju lexoj disa vargje nga Bibla, Libri i Perëndisë dhe dua që të mendoni për këtë pyetje: çfarë na tregon vargu, çfarë bën Fryma e Shenjtë për ne?

- ◆ Gjoni 14:26 - "...Fryma e Shenjtë... do t'ju mësojë çdo gjë..."
Përgjigja: Fryma e Shenjtë do të na mësojë ne. A mundet era ose diçka si rryma elektrike t'ju japë mësim? Jo!
- ◆ Gjoni 16:13 - "...Fryma e së vërtetës ... do t'ju prijë ..."
Përgjigje: Ai do të udhëheqë. Nëse ke humbur diku nuk mund të pyesësh erën që të udhëheqë për në shtëpi, apo jo? Fryma e Shenjtë është një Person dhe Ai mund të na udhëheqë.

Këtu janë dy tekste të tjera që na tregojnë se çfarë mund t'i bëjmë ne Frymës së Shenjtë:

- ◆ Veprat 5:3 - "... [Ke gënjer] Frymën e Shenjtë ..."
Përgjigje: Mund ta gënjesh Atë. Vetëm një personi mund t'i gënjesh – jo një force si era ose dallgët.
- ◆ Efesianëve 4:30 - "...mos e trishtoni Frymën e Shenjtë të Perëndisë ..."
Përgjigje: Ai mund të trishtohet nga sjellja jonë e keqe. Nuk mund ta trishtosh erën ose forcën e gravitetit, apo jo?


Jo, Fryma e Shenjtë është një Person që mund të mendojë, udhëheqë dhe mësojë. Mund t'i themi të vërtetën Atij ose ta gënjejmë Atë. Mund ta trishtojmë Atë ose ta kënaqim Atë. Ai është një person i vërtetë.

Është e vërtetë që ne nuk mund ta shohim Atë, sepse Ai nuk ka trup. Prandaj quhet Frymë – por Ai është një Person. Ai nuk është diçka si rryma elektrike, ose një dallgë e fortë që të merr me vete.


Piktura 1-4

★ **Zhvillimi i ngjarjeve:** Ai është një Person i mrekullueshëm sepse është i përjetshëm.

Fryma e Shenjtë është një Person i mrekullueshëm sepse Ai është i përjetshëm. Kjo do të thotë që Ai ka jetuar gjithmonë dhe do të jetë i gjallë gjithmonë. Pikërisht ashtu siç ky rreth nuk ka as fillim as fund ashtu edhe jeta e Frymës së Shenjtë nuk kishte fillim dhe nuk ka fund




Piktura 1-3



Metoda: Pyetje, veçanëtitsh për fëmijët më të rritur. Lexojini fjalët nga Bibla juaj dhe jo nga ky tekst.

Mund të jetë koma më ndihmuese nëse do t'i printonit fjalët e vargjeve në një kartë që fëmijët të mund t'i lexojnë ato.

Piktura 1-4



Lexoni (ose kini një fëmijë më të rritur që të lexojë) vargun prej Biblës tuaj.

Njëzetë vjet më parë ju nuk kishit lindur ende – nuk ishit gjallë. Fryma e Shenjtë nuk ka lindur kurrë, por është i gjallë! Ai jetonte edhe shumë kohë më parë se të krijoheshin toka dhe dielli dhe yjet. Tek Zanafilla, libri i parë i Biblës, lexojmë për Frymën e Shenjtë që punon në krijimin e botës. (“Fryma e Perëndisë fluturonte mbi sipërfaqen e ujërave 1:2b.)

Çdo person në tokë jeton ndoshta shtatëdhjetë ose tetëdhjetë ose nëntëdhjetë vjet dhe pastaj trupi i tyre vdes, por Perëndia Frymë e Shenjtë nuk do të vdesë kurrë. Shumë kohë pasi ndërtesa në të cilën jemi tani të jetë prishur, shumë kohë pasi makina të jetë ndryshkur në një vend vjetërsirash, Fryma e Shenjtë do të jetë duke jetuar ende. Ne lexojmë për të tek Zbulesa, Libri i fundit i Biblës i cili na tregon shumë gjëra që do të ndodhin në të ardhmen (Zbulesa 22:17). Edhe kjo botë në të cilën ne jetojmë nuk do të egzistojë më, Por Perëndia Frymë e Shenjtë do të jetë gjallë dhe duke punuar.

Çfarë ju ndihmojnë të mbani mend këto dy piktura (trekëndëshi në rreth dhe tërësi) për Frymën e Shenjtë?

Lëri fëmijët të përgjigjen.

Piktura 1-5

★ **Zhvillimi i ngjarjeve:** Ai është një Person i mrekullueshëm sepse është kudo.

Mund të përdorni një glob nëse keni.

Ti dhe unë mund të jemi vetëm në një vend në të njëjtën kohë. Nuk mund të jesh në të njëjtën kohë edhe në shkollë edhe në shtëpi në shtrat, apo jo? Fryma e Shenjtë është një Person i mrekullueshëm sepse Ai është kudo. Për arsye se Ai është një Frymë dhe nuk ka një trup, Fryma e Shenjtë mund të jetë në të njëjtën kohë kudo në botë. Ai mund të jetë në Australi në të njëjtën kohë që është edhe në Rusi! Prandaj Ai mund t’i ndihmojë njerëzit në të gjithë botën – në çdo kohë, në çdo vend. Do të flasim më shumë për këtë javën që vjen.

Pak para se Zoti Jezus të shkonte në Qiell, Ai u tha dishepujve të Tij, “po shkova, unë do t’jua dërgoj Atë” (nga Gjoni 16:7). Cilin do të dërgonte Jezusi që të ishte me dishepujt e Tij? Po, Frymën e Shenjtë i cili do të vinte prej Qielli dhe do të ishte i pranishëm në të gjithë botën në të njëjtën kohë.

Kur Zoti Jezus jetoj në këtë botë, Ai jetoj në një trup njerëzor dhe kështu që edhe Ai mund të ishte vetëm në një vend në të njëjtën kohë, por Fryma e Shenjtë që erdhi të zëvendësonte Zotin Jezus në Tokë nuk ka një trup dhe Ai mund të jetë i pranishëm në shumë pjesë të botës në të njëjtën kohë.

Nëse keni besuar në Jezusin si Shpëtimtarin tuaj prej mëkateve, a e dini se Fryma e Shenjtë i mrekullueshëm jeton në ju? (1 Korintasve 6:19, Romakëve 8:9.) A nuk është e mahnitshme? Ai është i fortë dhe i fuqishëm dhe Ai është me ty çdo ditë për të të ndihmuar që të bësh atë që është e drejtë dhe t’i thuash “jo” asaj që është e gabuar.



Piktura 1-5

Lexoni (ose kini një fëmijë më të rritur që të lexojë) vargun prej Biblës tuaj.

VQSh
Shfaqni kartën me aplikimin për fëmijën e shpëtuar: “Lëre Atë të të japë

Ai kurrë nuk do të të lërë. Mbaj mend që ti mund ta trishtosh Atë kur gabon. Por ti mund ta gëzosh Atë kur bën atë që është e drejtë. A do ta gëzosh Atë sot duke e lënë të të ndihmojë që të bësh atë që është e drejtë?

Piktura 1-6

Një djalë emri i të cilit është Robert Uilliams, shpesh thirret me emra të tjerë. Ndoshta prindërit e Tij e thërrasin Robert, por miqtë e tij e thërrasin Bob ose Bobi, ose ka mundësi Uilliams. Po ashtu Fryma e Shenjtë ka emra të ndryshëm.

Do të lexoj disa vargje nga Bibla dhe ju do të më thoni se me çfarë emrash të tjerë thërritet Fryma e Shenjtë. Gjithashtu mundohuni të gjeni se përse i janë dhënë Atij këto emra.

- ◆ Romakëve 8:9a - "...Fryma e Perëndisë banon në ju ..."
Përgjigje: "Fryma e Perëndisë" – Ai është Perëndi.
- ◆ Romakëve 8:9b - "...Por në qoftë se ndokush nuk ka Frymën e Krishtit, ai nuk i përket Atij."
Përgjigje: "Fryma e Krishtit" – Zoti Jezus bashkë me Frymën e Shenjtë janë pjesëtarë të Trinitetit.
- ◆ Gjoni 14:16 - "...Ati... do t'ju japë një Ngushëllues tjetër, që do të qëndrojë përgjithmonë me ju."
Përgjigje: "Ngushëllues" – Ai është Ai që ju ndihmon duke ju ardhur pranë dhe duke ju dhënë një këshillë të mirë.
- ◆ Gjoni 14:17 - "Frymën e së Vërtetës ..."
Përgjigje: "Frymën e së Vërtetës" – Ai gjithmonë thotë dhe mëson të vërtetën.

★ **Zhvillimi i ngjarjeve:** Ai është shumë i mrekullueshëm sepse Ai është i shenjtë.

Emri që përdoret më shumë në Bibël është **Fryma e Shenjtë**.

Ky emër na tregon ne se Ai është absolutisht i pastër dhe i mirë. Kjo është gjëja më e mrekullueshme për Të. Ai gjithmonë bën atë që është e drejtë. Ai është shumë ndryshe nga ne. Ti dhe unë bëjmë kaq shumë gjëra të gabuara që nuk e kënaqin Perëndinë. Ndoshta shpesh nuk i je bindur prindërve të tu, ose ndoshta ke thënë gënjeshtër, ose ke kopjuar në shkollë. Këto gjëra nuk e kënaqin Perëndinë Frymë e Shenjtë dhe e trishtojnë Atë. Ndërsa dëgjon mësimin nga Bibla Ai mund të të tregojë mënyrën se si mund të jesh i falur dhe të ndryshosh. A do ta lejosh atë të bëjë këtë në jetën tënde?

Piktura 1-7

★ **Zhvillimi i ngjarjeve:** Nuk ka gjë më të madhe sesa të njohësh Atë dhe ta duash Atë dhe nuk ka gjë më të keqe sesa ta trishtosh Atë.

Edhe pse keni bërë shumë gjëra të gabuara që e trishtojnë Frymën e Shenjtë, Perëndia përsëri të do. Nëse nuk je akoma i krishterë, Ai dëshiron të të falë dhe të të ndryshojë.

Fuqinë e Tij për të bërë atë që është e drejtë".

Piktura 1-6



Metoda: Kërkim shkrimi, veçanërisht për fëmijët më të rritur. Përsëri do të ishte ndihmuese të kishit fjalët e vargjeve të printuara në karta që fëmijët t'i lexojnë.

VQ

VQP

Piktura 1-7a

Piktura 1-7b



Vëreni veten tuaj në dispozicion për këshillim personal. (Sigurohuni që të jeni konform rregullave të Politikave për Mbrojtjen e Fëmijës në vendin tuaj.)

★ **Përfundimi:** Fryma e Shenjtë është në të vërtetë i shenjtë dhe zbulon mëkatin tonë.

Ky ndryshim fillon kur Fryma e Shenjtë të bën të kuptosh që gjërat e këqija që bën janë serioze dhe nuk e kënaqin Perëndinë. Ata bëjnë një “mur” të madh midis teje dhe Perëndisë. E vetmja mënyrë për ta hequr atë mur të madh ishte që Zoti Jezus, Biri i Perëndisë, të zbriste nga Qielli për të të ndihmuar. Ai vuajti dhe vdiq në kryq për gjërat e këqija që ke bërë ti.

★ **Përfundimi:** Ai dëshiron të të drejtojë ty për tek Krishti.

A po e dëgjon zërin e qetë të Frymës së Shenjtë që po të tregon që të vish tek Zoti Jezus dhe t’i kërkosh Atij të të falë dhe të heqë mëkatet e tua? Ti mund ta bësh këtë sot pikërisht aty ku je! Jezusi premton, “atë që vjen tek unë, unë nuk do ta nxjerr jashtë kurrë” (Gjoni 6:37b). Ai do të të pranojë dhe do të të falë.

Sigurisht që tek Jezusi nuk vjen duke ecur. Ti vjen tek Jezusi me lutje, duke i treguar Atij në zemrën tënde se e di që ke nevojë që Ai të të falë dhe të të shpëtojë. Vetëm Ai mund ta bëjë këtë për ty.

Nëse dëshiron që të të shpjegoj më shumë se si “të vish tek Jezusi”, qëndro pas mbarimit të klubit në vendin tënd. Do të ulem me kënaqësi me ty për të folur më shumë për këtë.

Pyetjet e përsëritjes

- 1 Cilët janë tre Personat në Perëndinë, Trinitetin e Shenjtë? (Perëndia Atë, Perëndia Bir/ Zoti Jezus dhe Perëndia Frymë e Shenjtë.)
- 2 Çfarë lexuam në Bibël dhe që tregonte se Fryma e Shenjtë është një Person? (Ai mund të japë mësim, mund të udhëheqë, mund ta gënjesh, mund të trishtohet.)
- 3 Cili është ndryshimi midis të thënit “Perëndia e bëri botën” dhe “Perëndia e krijoi botën”? (“Krijuar” do të thotë në të vërtetë “i bërë nga asgjëja”.)
- 4 Çfarë duam të themi kur themi se Perëndia Frymë e Shenjtë është i përjetshëm? (Ai ka jetuar gjithmonë dhe do të vazhdojë të jetojë përgjithmonë.)
- 5 Shpjego figurën e trekëndëshit brenda rrethit. (Trekëndëshi ka tre anë por është një trekëndësh; Triniteti është tre Persona në një Perëndi. Ashtu si rrethi, Perëndia nuk ka as fillim as fund.)
- 6 Çfarë përdori Patriku për të shpjeguar Trinitetin? (Tërfilin.)
- 7 Ai quhet Fryma e Shenjtë. Çfarë na tregon ky emër për Të? (Ai është i pastër, i përsosur.)
- 8 Në Bibël Fryma e Shenjtë ka emra të tjerë. Më thuaj dy prej tyre. (Fryma e Perëndisë, Fryma e Krishtit, Ngushëlluesi, Frymën e së Vërtetës.)

Mësimi 2

Fryma e Shenjtë na dha Biblën

Shkrimi për mësuesit

Isaia 9:6

2 Pjetrit 1:21

Krahas studimit të shkrimeve dhe mësimi, do të ishte mirë që të gjeni disa pjesë prej Biblës në gjuhë të tjera dhe ta incizoni një burrë që lexon Isaia 9:6. (Mund të përdorni www.BibleGateway.com.)

E vërteta qendrore

Fryma e Shenjtë është Autori i Biblës

Zbatimi

I Pashpëtuar: Bindju mesazhit të Biblës – kthehu tek Krishti për shpëtim

I Shpëtuar: Lexo të paktën një varg nga Bibla çdo ditë

Vargu përmendësh

“...njerëzit e shenjtë të Perëndisë kanë folur, të shtyrë nga Fryma e Shenjtë” 2 Pjetrit 1:21

Fëmijët le ta mësojnë vargun përmendësh pas mësimi biblik. Gjatë mësimi jepet një shpjegim për vargun.

Ndihmat vizuale

- ◆ Pikturat: 2-1, 2-2, 2-3, 2-4, 2-5, 2-6 dhe 2-7
- ◆ Shirita fjalësh: “Fryma e Shenjtë është Autori i Biblës” (e vërteta qendrore) dhe “Lexo të paktën një varg nga Bibla çdo ditë” (Zbatimi për fëmijën e shpëtuar)
- ◆ Diçka që punon me MP3 (ose magnetofon për CD dhe CD) me incizimin e Isaia 9:6
- ◆ Varkë e bërë me letër të palosur (ose një varkë e vogël lodër) dhe një enë me ujë
- ◆ Letër në një zarf

Skica e mësimi

Hyrje

Klajdi nuk dinte se çfarë të shkruante

Zhvillimi i ngjarjeve

- 1 Isaia, i udhëhequr nga Fryma e Shenjtë, profetizoi për ardhjen e Zotit Jezus
- 2 Fryma e Shenjtë e frymëzoi të vërtetën brenda mendjeve të autorëve njerëzor VQ
- 3 Demonstrimi prej mësuesit
- 4 Fryma e Shenjtë i shtyu autorët njerëzor VQ
- 5 Fryma e Shenjtë përdori shumë njerëz për të shkruar librat e Biblës pa gabime VQ
- 6 Ai na ndihmon ne të kuptojmë Biblën VQSh
- 7 Bibla, e dhënë nga Fryma e Shenjtë, është si një letër që na tregon për Shkruesin

Pika kulmore

Bibla gjithashtu na tregon për veten tonë VQSh, VQP

Përfundimi

Keni nevojë t'i bindeni mesazhit të Biblës dhe t'i kërkonit Zotit që t'ju shpëtojë VQP

Piktura 2-1

Do të ishte më shumë dramatike nëse këto fjalë do të ishin inçizuar në MP3 ose CD nga një burrë që lexon qartë dhe me shprehje. Në këtë pikë ndizeni incizimin.



Piktura 2-2

Shfaqni kartën me të vërtetën qendrore: "Fryma e Shenjtë është Autori i Biblës".



VQ

Mësimi

★ **Hyrje:** Klajdi nuk dinte se çfarë të shkruante.

Klajdi u ul duke kafshuar fundin e stilolapsit të tij. Ishte e premtë në mbrëmje dhe atij i duhej të dorëzonte një ese në shkollë të hënën në mëngjes. Ai nuk po fillonte dot. Thjeshtë nuk dinte se çfarë të shkruante! A e keni pasur ndonjëherë këtë problem? Jam i sigurt që e keni pasur! Por njerëzit për të cilët ne do të dëgjojmë sot nuk e kishin këtë problem. Ata e dinin me saktësi se çfarë të shkruanin! Nëse do të dëgjoni me vëmendje do ta kuptoni pse.

Piktura 2-1

★ **Zhvillimi i ngjarjeve:** Isaia, i udhëhequr prej Frymë së Shenjtë, profetizoi për ardhjen e Zotit Jezus.

Një njeri i quajtur Isaia ka jetuar rreth shtatëqind vjet para se të lindte Zoti Jezus. Ai shpesh ishte në pallatet e mbretërve dhe ka mundësi që të ishte një person fisnik por edhe profet (një njeri që i predikonte fjalën e Perëndisë njerëzve). Le ta dëgjojmë atë ndërsa predikonte në një rast.

Lexoni Isaia 9:6 (të gjithë ose një pjesë të vargut).

“Sepse na ka lindur një fëmijë, një djalë na është dhënë. Mbi supet e tij do të mbështetet perandoria dhe do të quhet Këshilltar i admirueshëm, Perëndi i fuqishëm, Atë i përjetshëm, Princ i paqes” (Isaia 9:6).

Për kë po fliste Isaia? Për Zotin Jezus Krisht që do të lindte në tokë shtatëqind vjet më vonë. Ai do të ishte një bebe e vogël, por Ai gjithashtu ishte “Perëndi i fuqishëm”, “Princ i paqes”. Nëse Isaia jetoi shtatëqind vjet para lindjes së Jezusit në tokë, nga i dinte ai të gjitha këto gjëra? Ai i dinte sepse Perëndia Frymë e Shenjtë ia tregoi ato atij.

Piktura 2-2

★ **Zhvillimi i ngjarjeve:** Fryma e Shenjtë e frymëzoi të vërtetën brenda mendjeve të autorëve njerëzor.

Perëndia dëshironte të na e bënte të ditur se Ai është një Perëndi i madh që është kaq i plotëfuqishëm dhe i dashur. Kështu që Ai vendosi ta shkruante këtë të gjithën në një Libër, i cili është Bibla që ne kemi sot. Perëndia Frymë e Shenjtë nuk mori një stilolaps ose një kompjuter dhe i shkroi fjalët Vetë, por Ai zgjodhi disa njerëz shumë kohë më parë për të shkruar. Isaia ishte njëri prej atyre shkruesve dhe Perëndia i dha të shkruante atë që sapo dëgjuat në incizim.

A ke pasur ndonjë rast kur një i afërm i yti që vjen për vizitë në shtëpinë tënde të bën një pyetje që duhet t’ia dije përgjigjen? Ti nuk dije se çfarë të thoje dhe të vinte turp derisa mami jot të pëshpërit në vesh dhe pastaj ti mund të japësh përgjigjen e duhur.

Në një mënyrë akoma më të mrekullueshme Fryma e Shenjtë i përshpëriti Fjalët e Perëndisë në mendjet e Isaia dhe të shumë njerëzve të tjerë të cilët shkruan librat e Biblës. Ata shkruan në një rrotull, me një penë të bërë nga një pupël, siç mund ta shihni edhe në figurë.

★ **Zhvillimi i ngjarjeve: Demonstrimi prej mësuesit.**

Mund ta luani këtë skeç të vogël, bashkë me një fëmijë.

Le të mendojmë se Turi këtu është profeti Isaia.

Jepini fëmijës një shkop për të shkruar dhe një letër. Përshpëritini në vesh. Ai ndalon dhe mendon dhe pastaj ai shkruan atë që i keni thënë. Pëshpëritini përsëri në vesh. Fëmija ndalon, mendon dhe shkruan.

Sigurohuni që të shpjegoni që Fryma e Shenjtë nuk ia diktoi Isaia pikëpërpikë fjalët që ai duhet të shkruante. Isaia zgjodhi fjalët dhe mënyrën se si të shprehte mendimet e Perëndisë, por Perëndia Frymë e Shenjtë nuk e lejoi atë të bënte ndonjë gabim. Prandaj në skeçin e shkurtër ne shohim se “Isaia” mendon para se të shkruaj ndonjë frazë.

Kjo ishte mënyra se si Isaia dhe të tjerët shkruan atë që Perëndia i tha atyre. Ata nuk ishin si kompjuterat në të cilët Perëndia shkroi një mesazh. Jo. Isaia dhe shkruesit e tjerë përdorën fjalët e tyre dhe i thanë gjërat në mënyrën e tyre. Por Perëndia nuk i la të bënin gabime apo të mos shkruanin ndonjë gjë. Kur lexojmë nga libri i Isaia sot (tregojini librin fëmijëve), e dimë se është Fjala e Perëndisë dhe jo thjeshtë fjalët e Isaia. Kjo është e vërtetë për të gjitha librat e Biblës.

Piktura 2-3

★ **Zhvillimi i ngjarjeve: Fryma e Shenjtë i shtyu autorët njerëzor.**

Nëse është e mundur bëni një varkë të vogël prej letre ose gjeni një varkë plastike. Vendoseni në një enë me ujë. Fryjini me ngadalë varkës së vogël që të shkojë nga njëra anë e sipërfaqes në tjetrën.

Më patë që i fryva kësaj varke të vogël dhe e shtyva në ujë. A keni parë diçka të tillë të ndodhë në det, kur ka gara me varka? Era mbush velat dhe e shtyn varkën përgjatë dallgëve.

Kjo është një pamje tjetër e mënyrës se si Fryma e Shejtë i ndihmoi shkruesit e librave të Biblës. Dëgjoni këto fjalë nga Bibla.

“...njerëzit e shenjtë të Perëndisë kanë folur, të shtyrë nga Fryma e Shenjtë” (2 Pjetrit 1:21).

Ndonjëherë pasi kishin shkruar për njëfarë kohe trupat e tyre lodheshin, por Fryma e Shenjtë u dha atyre forcë dhe i ndihmoi të vazhdonin me këtë punë të madhe. Ndonjëherë mendjet e tyre mund të jenë lodhur gjithashtu dhe Fryma e Shenjtë u dha atyre ide, fjalët dhe fuqinë për të vazhduar me shkrimin e këtij Libri të mrekullueshëm. Ishte Perëndia Frymë e Shenjtë që na e dha këtë Libër. Ka shumë libra të mirë por nuk ka asnjë libër tjetër në të gjithë botën që është si Bibla. Është i vetmi libër që Vetë Perëndia na e ka dhënë. Informacioni në librat e tjerë mund të vjetërohet. Por Fjala e Perëndisë është përgjithmonë. Është gjithmonë e vërtetë, gjithmonë e drejtë, gjithmonë e kohës. Kurrë nuk do të vdesë.

Piktura 2-4

★ **Zhvillimi i ngjarjeve: Fryma e Shenjtë përdori shumë njerëz për të shkruar librat e Biblës pa gabime.**

Ashtu si Isaia, Perëndia Frymë e Shenjtë përdori njerëz të tjerë për të shkruar Biblën. Ishin rreth dyzet njerëz në total. Ata shkruan në

Piktura 2-3



VQ

Shfaqni kartën me të vërtetën qendrore.



Piktura 2-4

Shfaqni kartën me të vërtetën qendrore.

VQ

Shfaqni kartën me zbatimin për fëmijën e shpëtuar: "Lexo të paktën një varg nga Bibla çdo ditë".

VQSh

"Reflektim për Perëndinë" është botuar nga Bashkësia e Ungjillizimit të Fëmijëve® Inc dhe është në dispozicion nga zyra kombëtare BUFSH. Nëse keni nevojë për një adresë kontaktoni zyrën (adresa në fillim të këtij libri).

Piktura 2-5



Piktura 2-6

VQSh, VQP



vende të ndryshme madje edhe në gjuhë të ndryshme dhe në kohë të ndryshme. Ata kishin punë të ndryshme - Davidi ishte mbret, Lluca ishte mjek, Pjetri ishte peshkatar, Amosi ishte bujk.

Kur Isaia dhe shkruesit e tjerë shkruan mesazhin e Perëndisë, Fryma e Shenjtë i udhëhoqi ata që të mos kishte gabime. Asgjë nuk u shtua gabimisht, asgjë e rëndësishme nuk u harrua. Ne mund ta besojmë çdo faqe të Biblës sepse është Fjala e pastër e Perëndisë.

Tregoji fëmijëve titullin e këtij mësimi - "Tako Autorin!"

★ **Zhvillimi i ngjarjeve:** Ai na ndihmon ne të kuptojmë Biblën.

Fryma e Shenjtë nuk është vetëm Autori i Biblës, Ai ka gjithashtu edhe një punë tjetër të veçantë. Të na mësojë neve Fjalën e Perëndisë dhe t'i ndihmojë fëmijët e Perëndisë që ta kuptojnë atë. Nëse je fëmijë i Perëndisë, Fryma e Shenjtë të ndihmon të kuptosh Biblën ndërsa e lexon atë ditë pas dite. "Fryma e Shenjtë në po atë moment do t'ju mësojë" (Lluca 12:12). Ky është një premtim prej Perëndisë për ty. Kur fillon të lexosh Biblën, ose kur dëgjon prej mësimave biblike në klubin e fëmijëve, kërkoji Perëndisë Frymë e Shenjtë të të ndihmojë ta kuptosh dhe t'i bindesh me të vërtetë. Ai është Mësuesi më i mirë.

Kjo është një mundësi e mirë për t'i dhënë fëmijëve një kopje të "Reflektimi për Perëndinë", nëse nuk ua keni dhënë akoma. Tregojini atyre se si të lexojnë një faqe çdo ditë dhe inkurajojini ata ta bëjnë këtë.

Piktura 2-5

★ **Zhvillimi i ngjarjeve:** Bibla, e dhënë nga Fryma e Shenjtë, është si një letër që na tregon për Shkruesin.

Tregoni një letër në një zarf. Nxirreni dhe lexoni disa fjalë.

Nëse merr një letër ose një e-mail nga gjyshja jote ose një person tjetër, çfarë lloj gjërash do të gresh në të? A nuk ka aty ndonjë të re rreth personit që të ka shkruar dhe më pas ndoshta diçka për ty? Gjyshja jote thotë se është e gëzuar që ti po ia kalon mirë në shkollë. Ndoshta është e kënaqur që ti ke miq të rinj.

Pikërisht kështu është Bibla. Në të ka të reja lidhur me Perëndinë Shkruesin. Bibla na tregon se Perëndia është i mirë dhe i dashur. Ai është tërësisht i përsosur. Kurrë nuk bën gjë gabim.

Piktura 2-6

★ **Pika kulmore:** Bibla gjithashtu na tregon për veten tonë.

Bibla gjithashtu tregon për ty. Ti je shumë i çmuar për Perëndinë dhe Ai të do shumë, shumë ty. Arsyeja pse Ai na do ty dhe mua nuk është se ne jemi të mirë. Asnjëri nga ne nuk është aq i mirë sa t'i afrohet Perëndisë që është kaq i përsosur dhe i pastër. Ai shikon brenda zemrës tënde dhe Ai i di gjërat e gabuara që ti bën, thua dhe mendon. Asgjë nuk është e fshehur për Perëndinë. Ai i sheh mendimet jo të mira dhe të shëmtuara për të cilat njerëzit e tjerë nuk dinë gjë. Perëndia Frymë e Shenjtë na tregon në Bibël se këto gjëra të gabuara janë serioze dhe se ato të ndajnë nga Perëndia.

Ndërsa dëgjon nga Bibla, Fryma e Shenjtë është Ai që të bën të shqetësohesh për mëkatet tënd. Ai është Personi që të tregon se ajo që ke bërë e trishton shumë Perëndinë. Duke vdekur në kryq, Zoti Jezus mori ndëshkimin e tmerrshëm që ti meriton për gabimet që ke bërë kundër Perëndisë. Për shkak të kësaj Perëndia mund të të falë ty dhe ti mund të shpëtohet nga mëkati yt.

Piktura 2-7

★ **Përfundimi:** Keni nevojë t'i bindeni mesazhit të Biblës dhe t'i kërkonti Zotit që t'ju shpëtojë.

Sot keni mësuar se si Fryma e Shenjtë na dha Biblën, mesazhin e mrekullueshëm të Perëndisë. A ke dëgjuar ndërsa unë jua kam shpjeguar? A të ka treguar se ke nevojë të të falen mëkatet? Nëse nuk i ke kërkuar Jezusit që të jetë Shpëtimtari yt, a je gati që të bësh atë që Perëndia thotë në Bibël? A je gati që të largohesh prej atyre gjërave të gabuara që ti bën dhe t'i kërkosht Atij të të falë dhe të të ndryshojë? Ti mund ta bësh këtë sot, pikërisht tani! Nëse e bën, Perëndia premton se kushdo që thërret emrin e Zotit Jezus për shpëtim do të shpëtojë. “Kushdo që do ta thërrasë emrin e Zotit do të shpëtohet” (Romakëve 10:13).

Le të lutemi.

Lutuni, duke i kërkuar Perëndisë që të ndihmojë fëmijët që nuk e kanë bërë këtë, t'i thërrasin (luten seriozisht) Zotit Jezus që t'i shpëtojë nga mëkatet e tyre.

A e ke dëgjuar Frymën e Shenjtë të të flasë sot? Ai po të tregon ty nëpërmjet Biblës se ke nevojë t'i thërrasësh Zotit Jezus që të bëhet Shpëtimtari yt. Bëje këtë sot! Ky do të jetë vendimi më i rëndësishëm që do të marrësh në të gjithë jetën tënde. Ai premton se nëse do ta “thërrasësh” ai do të të shpëtojë!

Nëse ke dëshirë të kesh një bisedë të shkurtër me mua veçmas për këtë vendim të rëndësishëm, eja kur klubi të mbarojë dhe më thuaj. Do të jem këtu tek kjo dritarja dhe me kënaqësi do të bisedoj me ty dhe do të të ndihmoj si të jetë e mundur. Sigurish, unë nuk mund të të shpëtoj – Zoti Jezus mund ta bëjë këtë. Por unë mund të të shpjegoj pak më shumë prej Fjalës së Perëndisë dhe se si ti mund t'i thërrasësh Zoti Jezus që Ai të të shpëtojë.

Pyetjet e përsëritjes

- 1 Cili është profeti nga Dhjata e Vjetër për të cilin mësuam se shkroi për gjërat që do të ndodhnin qindra vjet më pas në Izrael? (Isaia.)
- 2 Kujt po i referohej Isaia kur shkroi për Birin që do të lindte, Princin e Paqes? (Zoti Jezus.)
- 3 Si e dinin Isaia dhe profetët e tjerë se çfarë të shkruanin? (Fryma e Shenjtë i udhëhoqi ata.)
- 4 Pse është Bibla ndryshe nga çdo libër tjetër që kemi? (Është i vetmi

Piktura 2-7

VQP



Lexoni (ose kini një fëmijë më të rritur që të lexojë) vargun prej Biblës tuaj.

Vëreni veten tuaj në dispozicion për këshillim personal. (Sigurohuni që të jeni konform rregullave të Politikave për Mbrojtjen e Fëmijës në vendin tuaj.)

Lojë për përsëritje

Loja e shkronjave

Përgatitni një set zarfesh. Nga ana e prapme e çdo zarfi vendosni një numër (50, 75, 100, etj). Këto do të jenë pikët që një grup do të fitojë nëse do t'i përgjigjet pyetjeve saktë. Gjithashtu në çdo zarf ngjisni një copë flanelografi.

Vendosini ato mbi tavolinë duke fshehur numrat.

Sa herë që jepet një përgjigje e saktë, një fëmijë mund të zgjedhë një zarf për ta ngjitur në flanelbord.

Përdorni një gjysmë tabele për çdo skuadër.

Në fund të kuicit shikoni pikët. Skuadra me më shumë pikë fiton.

(Shpresojmë që vizuali t'i ndihmojë fëmijët të mbajnë mend se Bibla është një letër prej Perëndisë).

Gjithashtu mund të përfshini pyetje të bazuara në vargjet përmendësh dhe mësimet të tjera që keni dhënë mbi lutjen, misionin, nëpërmjet këngëve, etj

libër që Perëndia na ka dhënë; është gjithmonë i vërtetë.)

- 5 Më jepni emrat e dy njerëzve të tjerë të cilët shkruan disa pjesë të Biblës. (Shembujt e dhënë në tekst janë Davidi, Lluka, Mateu, Pjetri, Amosi.)
- 6 Në Bibël, çfarë na tregon Fryma e Shenjtë për veten tonë? (Që ne kemi gabuar; që Perëndia na do akoma, edhe pse nuk jemi të mirë.)
- 7 Si mund të tregojmë respekt për Fjalën e Perëndisë këtu në klubin e fëmijëve? (Ta dëgjojmë me vëmendje, ta mbajmë me kujdes, etj.)
- 8 Në shtëpi, si mund të tregoni se vërtetë besoni se Bibla është Libri i Perëndisë. (Kaloni kohë duke e lexuar nga pak çdo ditë dhe kërkojini Perëndisë që t'ju ndihmojë që t'i bindeni.)

Aktivitet

Bibla nuk vjetërohet kurrë

Fotokopjoni fletën e punës (faqe 39) për çdo fëmijë në klub.

Mësimi 3

Fryma e Shenjtë jep jetë

Shkrimi për mësuesit

Veprat 2:36-41

Gjoni 16:8

E vërteta qendrore

Fryma e Shenjtë na tregon mëkatin tonë dhe na jep jetë

Zbatimi

Të pashpëtuar: Kërkoji Perëndisë që të të japë jetë të përjetëshme nëpërmjet Frymës së Tij

Të shpëtuar: Falendero Zotin që ke jetën e përjetëshme

Shënim për mësuesin

Ky mësim përmban shumë mësimdhënie. Për fëmijët më të vegjël ose për ata që përqendrohen më pak, mund ta jepni mësimin në dy pjesë. Pjesa e parë duhet të jetë deri në fund të pikturave 3-5.

Pikturat 3-6 dhe 3-7 japin mësim mbi punën rigjeneruese dhe shenjtëruese të Frymës së Shenjtë. (Mësim i mëtejshëm mbi shenjtërimin gjithashtu jepet në mënyra të ndryshme edhe në mësimet 4 dhe 5).

Vargu përmendësh

Përsëritni Gjoni 16:13 dhe 2 Pjetrit 1:21

Ndihmat vizuale

- ♦ Pikturat: 3-1, 3-2, 3-3, 3-4, 3-5, 3-6 dhe 3-7
- ♦ Shirita fjalësh: “Fryma e Shenjtë na tregon mëkatin tonë dhe jep jetë” (e vërteta qendrore) dhe “Falendero Zotin që ke jetë të përjetëshme” (zbatim për fëmijën e shpëtuar)

Skica e mësimi

Hyrje

Njerëzit e dëgjuan Pjetrin me shumë vëmendje

Zhvillimi i ngjarjeve

- 1 Fryma e Shenjtë bind për mëkat VQP
- 2 Judenjët në Jeruzalem u kthyen tek Perëndia nëpërmjet Jezusit VQSh, VQP
- 3 “Shëmbëlltyra” e Gentit
- 4 Fryma e Shenjtë është Ai që ndihmon mëkatarin të kthehet tek Perëndia (Shpjegimi i “shëmbëlltyrës” së Gentit) VQP
- 5 Fryma e Shenjtë jep jetë VQP, VQSh

Përfundimi

Fryma e Shenjtë dëshiron të të bëj gjithnjë e më shumë si Ati yt Qiellor VQSh

Mësimi

Piktura 3-1

★ **Hyrje:** Njerëzit e dëgjuan me shumë vëmendje Pjetrin.

Piktura 3-1



Njerëzit e dëgjuan me shumë vëmendje Pjetrin ndërsa ai u predikonte atyre në qytetin e Jeruzalemit. Ishte ende herët në mëngjes dhe ata donin të dinin se çfarë ishte ky grumbullim i madh njerëzish.

Por pasi predikimi kishte vazhduar për pak kohë, shumë njerëz në turmën e madhe u shqetësuan. Pjetri u tregoi atyre se ata kishin refuzuar ta pranonin Zotin Jezus si Birin e Perëndisë. Në fakt ata kishin dashur ta vrisnin në kryq. Tani ata e kuptuan se kishin bërë gabim, se kishin mëkatuar kundër Perëndisë dhe ata ndiheshin kaq keq për këtë. Atyre u vinte vërtetë keq për të gjitha gabimet që kishin bërë, duke mos iu bindur Perëndisë.

Ata thirrën, “Çfarë duhet të bëjmë?” (Veprat 2:37).

Piktura 3-2

★ **Zhvillimi i ngjarjeve:** Fryma e Shenjtë bind për mëkat.

Piktura 3-2



VQP

Kush i bëri këta burra dhe gra dhe fëmijë të kuptojnë se kishin mëkatuar kundër Perëndisë? Kush i bëri ata të ndiheshin keq për të gjitha gjërat e gabuara që kishin bërë? A ishte Pjetri? Apo apostujt e tjerë? Në të vërtetë jo!

Sigurisht që Pjetri u kishte predikuar njerëzve Fjalën e Perëndisë por Personi që i bëri ata të kuptojnë se kishin gabuar ishte Fryma e Shenjtë. Ndërsa Pjetri dhe të tjerët po predikonin, Fryma e Shenjtë ishte duke punuar qetësisht në zemrat e njerëzve për t’i treguar atyre mëkatin e tyre dhe për t’u dhënë atyre jetë të përjetëshme. Fryma e Shenjtë e bën ende këtë punë sot. Tek Gjoni 16:8 lexojmë, “Ai (Fryma e Shenjtë) do ta bindë botën për mëkat, për drejtësi dhe për gjykim.” “Bindë” do të thotë “tregoj” dhe “bën të vetëdijshëm”. Është Fryma e Shenjtë që na ndihmon të kuptojmë dhe na bën të vetëdijshëm se jemi mëkatarë në sytë e Perëndisë. Ai është Ai që na bën që të duam të kthehemi prej mëkatisht tonë në mënyrë që Ai të na japë jetë të përjetëshme.

A e ke ndierë Frymën e Shenjtë të punojë në zemrën tënde, ndonjëherë kur ke ardhur në klubin e fëmijëve? Më ke dëgjuar kur ju kam treguar se Perëndia është kaq i përsosur dhe i pastër dhe se si Ai i urren gjërat e gabuara që ke bërë. A të është dukur se ka një zë të vogël që po të bën të kuptosh se e gjitha kjo është e vërtetë, se je mëkatar dhe nuk je ende fëmijë i Perëndisë? Kush është Ai që po të flet qetësisht? Është zëri i Frymës së Shenjtë, që përdor fjalët e Biblës që Ai vetë i shkroi për ne. Prandaj është kaq e rëndësishme që të kthehesh nga mëkati yt dhe të besosh në Jezusin. Nuk është vetëm mësuesi që po ta thotë ta bësh këtë. Është Perëndia Frymë e Shenjtë. Dëgjoje Atë ndërsa Ai flet nëpërmjet Fjalës së Tij.

Shfaq kartën me të vërtetën qendrore: “Fryma e Shenjtë na tregon mëkatin tonë dhe na jep jetë”.

Piktura 3-3

★ Zhvillimi i ngjarjeve: Judenjtë në Jeruzalem u kthyen tek Perëndia nëpërmjet Jezusit.

Njerëzit në Jeruzalem me siguri ishin duke dëgjuar zërin e Perëndisë. Prandaj edhe thirrën, “Çfarë duhet të bëjmë?”

Pjetri u tha atyre të ktheheshin nga mëkati i tyre dhe t’i besonin Zotit Jezus që mëkatet e tyre të fshiheshin (Veprat 2:38).

Atë ditë shumë, shumë njerëz u kthyen tek Perëndia prej mëkateve të tyre dhe i besuan Jezusit si Shpëtimtarit të tyre – mbi 3,000 prej tyre! Çfarë gëzimi do të ketë pasur atë ditë në Jeruzalem! Sigurisht që kishte gëzim të madh në qiell! (Lluka 15:10.)

Nëse ke besuar në Jezusin si Shpëtimtarin tënd, edhe ti mund të kesh këtë gëzim në zemrën tënde. Ndonjëherë ka gjithashtu edhe probleme që duhen përballur – sëmuresh, ose një shok i yti largohet në një pjesë tjetër të vendit, ose kalon një ditë të keqe në shkollë. Por mund të gëzohesh për gjënë më të rëndësishme mbi të gjitha – që mëkatet e tua të janë falur dhe se po shkon në Qiell. Vazhdo ta falenderosh Perëndinë për këtë!

Kush i ndihmoi njerëzit të ktheheshin prej mëkatit dhe të besonin në Jezusin? Në të vërtetë nuk ishte Pjetri as edhe ndonjëri prej apostujve. Këtë e bëri Fryma e Shenjtë!

Unë, mësuesi juaj, nuk mund t’ju kthej prej mëkatit dhe t’ju udhëheqë që t’i besoni Jezusit, por nëse ke nevojë për ndihmë sot, do të të shpjegoj me kënaqësi më personalisht më shumë prej Biblës pas klubit të fëmijëve. Eja këtu përpara dhe të flasim pasi të mbarojë klubi i fëmijëve. Nuk mund të të jap jetë të përjetëshme – ajo është puna e Frymës së Shenjtë. Ai të tregon nevojën tënde për t’u shpëtuar prej mëkatit tënd dhe të aftëson të kthehesh prej mëkatit tënd dhe të besosh në Jezusin.

Më lejoni ta shpjegoj këtë në një mënyrë tjetër. Do t’ju tregoj një histori të vogël të sajuar. Në histori është një figurë e juaja dhe e Frymës së Shenjtë. Shikoni nëse mund t’i gjeni të dyja në histori.

Piktura 3-4

★ Zhvillimi i ngjarjeve: “Shëmbëlltyra” e Gentit.

Genti po kalonte pushmet e tij verore në një qytet të vogël. Një pasdite ai po luante jashtë. Shpesh ishte paralajmëruar që të mos shkonte shumë larg nga shtëpia ku po qëndronte, por ai nuk u bind dhe u largua i vetëm për një shëtitje jashtë qytetit, lart në kodër dhe në një pyll. Po ia kalonte mirë duke vrapuar nëpër shtigjet përmes pemëve dhe duke vëzhguar.

Pasi kishte luajtur për disa orë, papritur zbuloi që dielli po perëndonte dhe pylli po errësohej.

“Më mirë të kthehem në qytet,” mendoi Genti dhe u nis ma vap në drejtimin që mendoi se ishte rruga për në shtëpi

Ndërsa vraponte, u pengua në një degë peme dhe u rrëzua keq në tokë. U ngrit shpejt në këmbë por ndjeu një dhembje të tmerrshme në

Piktura 3-3



VQSh

Shfaqni kartën me zbatimin për fëmijën e shpëtuar: “Falendero Zotin që ke jetë të përjetëshme”.

VQP

Vëreni veten tuaj në dispozicion për këshillim personal. (Sigurohuni që të jeni konform rregullave të Politikave për Mbrojtjen e Fëmijës në vendin tuaj).

Shfaqni kartën me të vërtetën qendrore.



Në tekstin që shpjegon pikturat 3-4, tregohet një “shëmbëlltyrë e vogël”, e ndjekur nga një seri pyetjesh.

Piktura 3-4

në pikturat 3-5. Kjo do t’u japë mundësi fëmijëve që të mendojnë dhe të marrin pjesë në mënyrë aktive në gjetjen e së vërtetës.

Nëse keni shumë fëmijë në klasë ose nëse për

arësye të tjera nuk mund t'i përdorni pyetjet, jepen zbatimin në pikturat 3-5 në mënyrë të drejtpërdrejtë.

këmbën e tij dhe u rrëzua prap. Ai kishte ndrydhur kyçin dhe tashmë kishte filluar të ënjtej. Ai u ngrit përsëri në këmbë dhe filloi të ecte i çalë sa më shpejt që të mundej në errësirë.

Pikërisht në atë kohë ai pa një njeri që po vinte drejt tij. Nga uniforma e tij Genti e kuptoi që ai ishte rojtari i pyllit. Ai kishte një fytyrë të këndshme dhe i buzëqeshi Gentit. Burri mbante një elektrik dore dhe kishte një libër nën krahun e tij.

“Po kërkoja për ty, bir!” i tha rojtari. “Ke qenë gjithë pasditen këtu në pyll. A e ke kuptuar se ishe nisur në drejtimin e gabuar? Ky shteg nuk të çon në qytet. Në të vërtetë kjo rrugë do të të çonte në një shkëmb të madh dhe nëse do të bije nga aty do të lëndohesh me keq. Kështu që nxitova të të gjeja dhe të të paralajmëroja për rrezikun që të kanosej.”

Ai hapi librin i cili kishte hartat në të dhe i tregoi Gentit rrugën e duhur që duhet të ndiqte. Rojtari e kapi me butësi Gentit nga shpatullat dhe e rrotulloi, e mori nga krahu dhe e çoi në rrugën e duhur.

Sa mirënjohës ishte Genti atë natë, ndërsa shtrihej në shtratin e tij të ngrohtë, që rojtari i pyllit e kishte gjetur, i kishte treguar që kishte humbur rrugën, e kishte paralajmëruar për rrezikun dhe e kishte ndihmuar që të mbërrinte i sigur në shtëpi.

Piktura 3-5

★ **Zhvillimi i ngjarjeve:** Fryma e Shenjtë është Ai që ndihmon mëkatarin të kthehet tek Perëndia (Shpjegimi i i “shëmbëlltyrës” së Gentit.)

- 1 Kë përfaqëson Genti në këtë histori? (Ty).
- 2 Pse e humbi rrugën Genti? (Nuk u bind).

Shpjegoni se në këtë mënyrë edhe ne humbasim rrugën e Perëndisë.

- 3 Kë përfaqëson rojtari i pyllit? (Frymën e Shenjtë).
- 4 Thoni disa gjëra që rojtari bëri për Gentin. (E gjeti; E paralajmëroi për rrezikun; I tregoi rrugën e duhur, me librin e tij; ai e ktheu; ai e ndihmoi atë të kthehej në qytet).

Shkurtimisht shpjegoni se kjo është ajo që Fryma e Shenjtë dëshiron të bëjë për çdo fëmijë ende të pashpëtuar.

- 5 Cili është Libri që përdor Fryma e Shenjtë për të na treguar rrugën e duhur? (Bibla).

Përdorni lojën e mëposhtme për të ilustruar se si na udhëheq Fryma e Shenjtë.

Një fëmijë i mbyllën sytë dhe i vendosen pengesa të ndryshme rreth tij (karrige, stol, etj.). Një fëmijë tjetër duhet t'i japë atij udhëzime se si të kalojë në anën tjetër të dhomës pa u penguar. Sa herë që të flasë “udhëzuesi” mund të thotë vetëm njërin prej pesë fjalëve - “ndalo”, “djathtas”, “majtas”, “mbrapa” ose “para”. Fëmijët e tjerë nuk duhet të ndihmojnë. Loja mund të përsëritet me pjesëmarrjen e dy fëmijëve të tjerë.

- 1 Fëmijë, a ju kujton kjo Personin e mrekullueshëm që dëshiron të na udhëheqë ne? Kush është Ai? (Fryma e Shenjtë).

Piktura 3-5

VQP



Shfaqni kartën me të vërtetën qendrore.

Nëse do ta ndani këtë mësim në dy pjesë, loja dhe pyetjet e përsëritjes që janë më poshtë mund të përdoren si hyrje për pjesën e dytë.

- 2 Prej çfarë rrugësh të rrezikshme dëshiron Ai të na udhëheqë? (Prej largimit gjithnjë e më tepër nga Perëndia dhe nga ndarja përjetë prej pranisë së Perëndisë).
- 3 Në çfarë rrugë të sigurt dëshiron Ai të na udhëheqë? (Ai dëshiron t'ju udhëheqë që t'i besoni Zotit Jezus si Shpëtimtar dhe të filloni rrugën për në Qiell).

Piktura 3-6

★ **Zhvillimi i ngjarjeve:** Fryma e Shenjtë jep jetë.

Fryma e Shenjtë jo vetëm që na tregon mëkatin tonë dhe na ndihmon që të besojmë në Zotin Jezus, Ai gjithashtu është Ai që u jep jetë të përjetëshme atyre që besojnë në Jezusin. “Jetë e përjetëshme” do të thotë një jetë e re, e mrekullueshme që fillon tani dhe vazhdon përjetë.

Secili prej jush i përket një familjeje njerëzore. Kur kthehesh prej mëkatit dhe i beson Zotit Jezus si Shpëtimtarit tënd, Fryma e Shenjtë të sjell në një familje të re – familjen e Perëndisë. Ti bëhesh fëmijë i Perëndisë. Fryma e Shenjtë të jep jetë të përjetëshme - atë lloj jete që ka Perëndia dhe që gjithashtu e kanë të gjithë fëmijët e Tij. Është e mrekullueshme që të kemi Perëndinë për Atë. Ai është një Atë i përsosur – Ai është i dashur dhe i durueshëm, Ai ka kohë për t'u marrë me ty, Ai është i plotëfuqishëm, Ai është shumë, shumë i mençur dhe Ai është i shenjtë.

Meqë ra fjala, ne nuk kemi një “nënë qiellore”. Perëndia Ati ynë është si të dy, një baba i përsosur (i fortë dhe i mençur) dhe Ai është si një mama e përsosur (shumë i butë, i dashur dhe i durueshëm).

Gjithashtu, është e mrekullueshme që të kemi shumë e shumë vëllezër e motra të cilët gjithashtu i përkasin familjes së Perëndisë. Nëse ke besuar në Jezusin, cilido tjetër që ka Jezusin si Shpëtimtarin e tij është një vëlla ose një motër e jotja – pjesë e familjes së madhe të Perëndisë. Falendero Perëndinë çdo ditë që je fëmija i Tij, që Ai është Ati yt i dashur.

Piktura 3-7

★ **Përfundimi:** Fryma e Shenjtë dëshiron të të bëjë gjithnjë e më shumë si Ati yt Qiellor.

Ndoshta dikush të ka thënë se ti i ngjan babit tënd. Fryma e Shenjtë jo vetëm që të sjell ty në familjen e Perëndisë kur i beson Jezusit, por Ai gjithashtu fillon të të bëjë gjithnjë e më shumë si Ati yt Qiellor (1 Pjetrit 1:14-15). Ti nuk bëhesh si Ai në pamje, por në mënyrën se si sillesh.

Para se të shpëtoheshe, kur djalli të tundonte që të thojë një gënjeshtër ti ndoshta e bëje këtë. Kur bëhesh i krishterë, djalli do të të tundojë përsëri që të thuash gënjeshtër, por do të kesh Frymën e Shenjtë që do të të ndihmojë t'i thuash “jo” djallit. Ti thua të vërtetën dhe kështu je më shumë si Ati yt Qiellor që thotë gjithmonë të vërtetën.

Para se të shpëtoheshe, kur djalli të tundonte të mos i bindeshe prindërve ndoshta ti e bëje këtë. Kur bëhesh i krishterë, djalli do të të tundojë përsëri të mos bindesh. Ndoshta do të të tundojë çdo ditë në këtë mënyrë. Por një i krishterë ka Frymën e Shenjtë që jeton në të Ai



Piktura 3-6

VQP

Shfaq kartën me të vërtetën qendrore.

VQSh

Piktura 3-7

VQSh



Lexojeni vargun nga Bibla juaj.

mund të të ndihmojë ty të bindesh. Ti bëhesh gjithnjë e më shumë si Ati yt Qiellor që bën gjithmonë gjënë e drejtë.

Nuk bëhesh menjëherë tërësisht si Ati yt Qiellor. Ndonjëherë fëmijët e krishterë dhe të rriturit gjithashtu, bëjnë gabime. Ne themi diçka që e lëndon një person tjetër, ose jemi egoistë ose krenarë. Kjo e mërzit shumë Perëndinë.

Nëse një i krishterë i bindet Perëndisë atëherë ai është një bir i bindur dhe e kënaq Perëndinë, Atin e Tij. Nëse një i krishterë nuk i bindet Perëndisë, atëherë ai është një bir i pabindur dhe e mërzit shumë Perëndinë Atin e tij, por Fryma e Shenjtë nuk i lë fëmijët e Perëndisë. Në Bibël ne kemi këtë premtim “Nuk do të të lë, nuk do të të braktis” (Hebrenjve 13:5).

Lexojeni vargun nga Bibla juaj.

Çfarë duhet të bësh nëse mëkaton, edhe pasi i ke besuar Jezusit si Shpëtimtarit tënd? Duhet t’i thuash Zotit se të vjen vërtetë keq për atë që ke bërë dhe kërkoji Atij të të falë që u bërë një bir ose bijë e pabindur. Perëndia bën një premtim të mrekullueshëm për fëmijët e Tij. Dëgjoje atë. “Po t’i rrëfejmë mëkatet tona, ai është besnik dhe i drejtë që të na falë mëkatet dhe të na pastrojë nga çdo paudhësi” (1 Gjonit 1:9).

Shfaq kartën me të vërtetën qendrore.

A të ka treguar Fryma e Shenjtë se ke mëkatuar kundër Perëndisë dhe se je në një rrugë të rrezikshme duke u larguar gjithnjë e më shumë prej Perëndisë? A do të largohesh nga mëkati yt sot dhe t’i kërkoesh Zotit Jezus të të shpëtojë?

Lexojeni vargun nga Bibla juaj.

Bibla thotë, “Ja, pra, dita e shpëtimit” (2 Korintasve 6:2).

Pyetjet e përsëritjes

Nuk ka kuic për përsëritje për arsye se ka shumë pyetje të përfshira në këtë mësim.

Aktivitet

Labirint

Fotokopjoni figurën e labirintit (faqe 40) për çdo fëmijë në klubin tuaj.

Mësimi 4

Fryma e Shenjtë, Shoqëruesi i besimtarit

Shkrimi për mësuesit

Gjoni 14:17

2 Korintasve 3:18

Efesianëve 4:30

Romakëve 8:4,15-16

1 Gjoni 2:3

E vërteta qendrore

Fryma e Shenjtë jeton brenda besimtarit

Zbatimi

Të shpëtuar: Eja tek Zoti Jezus, ndërsa Fryma e Shenjtë të flet

Të shpëtuar: Falenderojë Atë çdo ditë për punën e Tij të mrekullueshme në jetën tënde

Vargu përmendësh

“...ai që është në ju është më i madh se ai që është në botë” 1 Gjonit 4:4

Ndihmat vizuale

- ◆ Pikturat: 4-1, 4-2, 4-3, 4-4, 4-5, 4-6 dhe 4-7
- ◆ Shirita fjalësh: “Fryma e Shenjtë banon brenda besimtarit” (e vërteta qendrore) dhe “Falenderojë Atë çdo ditë për punën e Tij të mrekullueshme në jetën tënde” (zbatimi për fëmijën e shpëtuar).

Skica e mësimit

Hyrje

A ke pasur ndonjëherë dëshirë ...?

Zhvillimi i ngjarjeve

- 1 Fryma e Shenjtë jeton brenda çdo besimtari VQSh
- 2 Ai është një Mik dhe Shoqërues i të krishterit VQSh
- 3 Ai dëshiron të të bëjë më shumë si Jezusi VQSh
- 4 Ai është si një poçar – që i jep formë çdo të krishterit VQSh
- 5 Ai na ndihmon që të jemi të sigurtë se jemi fëmijë të Perëndisë VQSh
- 6 Fryma e Shenjtë mban zjarrin e dashurisë dhe të bindjes të ndezur në zemrën e fëmijëve të Perëndisë VQSh

Përfundimi

Falenderojë Atin tënd Qiellor për punën e Frymës së Shenjtë në jetën tënde VQSh, VQP

Mësimi

★ **Hyrje:** A ke pasur ndonjëherë dëshirë ...?

A ke pasur ndonjëherë dëshirë që shoku yt më i ngushtë të ishte gjithmonë me ty? Në shkollë, në pushime, në shtëpi – kudo! Nëse i ke besuar Zoti Jezus si Shpëtimtarit tënd, ti ke një Shok që është **gjithmonë** me ty. Ai është Fryma e Shenjtë.

Në klubin tonë sot dhe javën që vjen, le të mendojmë për atë që Fryma e Shenjtë bën në jetën e një djali ose një vajze që është fëmijë e Perëndisë.

Piktura 4-1

★ **Zhvillimi i ngjarjeve:** Fryma e Shenjtë jeton brenda çdo besimtari.

Pasi vdiq në kryq, Zoti Jezus u ringjall përsëri dhe u kthye në Qiell. Por para se të largohej nga toka, Ai u tha diçka të mrekullueshme shokëve të tij, dishepujve. Le të lexojmë se çfarë tha

Lexoni Gjoni 14:17.

“...sepse qëndron (jeton) me ju dhe do të jetë në ju.”

Zoti Jezus po flet për Frymën e Shenjtë dhe Ai thotë dy gjëra për të. Cilat janë ato?

Le të përgjigjen fëmijët.

- ◆ Ai jeton me ju u.
- ◆ Ai do të jetë në ju.

Nëse je fëmijë i Perëndisë këto dy premtime janë edhe për ty gjithashtu! Fryma e Shenjtë jeton me ty dhe jeton brenda teje!

Kur filloi Ai të jetonte me ty? Pikërisht në momentin kur ti e besove Jezusin si Shpëtimtarin tënd, edhe pse mund të mos kesh ndierë asgjë të pazakontë. Fryma e Shenjtë nuk ka trup. Ai mund të jetojë në ty sepse Ai është një Frymë.

Pse jeton Fryma e Shenjtë tek kushdo që është i krishterë? Çfarë bën Ai në jetën tënde?

Piktura 4-2

★ **Zhvillimi i ngjarjeve:** Ai është një Mik dhe Shoqërues i të krishterit.

Arsyeja e parë pse Ai jeton tek kushdo që i ka besuar Jezusit është që të jetë **një Mik dhe një Shoqërues i tyre.**

Nëse je fëmijë i Perëndisë, Fryma e Shenjtë është gjithmonë me ty - kur luan në shkollë, kur je vetëm në shtëpi, kur ke frikë dhe kur je i sëmurë.

Ai kurrë nuk do të të lërë. Ti mund të mbështetesh gjithmonë tek ky Mik i mirë. (i cili është Perëndia i gjithëfuqishëm) që është me ty. Në fakt, Ai po jeton me ty. Ai nuk është si shokët e tjerë që ndonjëherë nuk janë me humor të mirë, ose që nuk duan të të ndihmojnë nëse nuk i përshtatet atyre. Ai është gjithmonë aty në anën tënde.



Lexoni (ose kini një fëmijë më të rritur që të lexojë) vargjet prej Biblës tuaj.

Piktura 4-1

VQSH

Shfaq kartën me të vërtetën qendrore: “Fryma e Shenjtë jeton brenda besimtarit”.



Piktura 4-2

VQSH

Shfaq kartën me të vërtetën qendrore.

Kështu që nëse ke frikë apo ndihesh vetëm, mbaj mend që Fryma e Shenjtë është gjithmonë aty me ty për të të bërë shoqëri dhe që të jetë Miku yt i mrekullueshëm, i përsosur dhe i pandryshueshëm. Falenderoje Atë për këtë.

Djem e vajza, mendoni për disa situata të vështira në të cilat do të kishit shumë dëshirë të kuptonit se Fryma e Shenjtë është me ju.

Le të marrin pjesë fëmijët. Mund t'i shtoni përgjigjes së tyre duke sugjeruar situata – për shembull, kur je në spital për një operacion, ose kur ke një provim të vështirë në shkollë, ose babai juaj ka dalë nga puna, ose kur keni humbur në një dyqan të madh, ose kur ka një stuhë me vetëtimë dhe bubullimë, ose nja dy fëmijë më të mëdhej në shkollën tuaj ju ngacmojnë gjithmonë.

Piktura 4-3

★ **Zhvillimi i ngjarjeve:** Ai dëshiron të të bëjë më shumë si Jezusi.

Një arësye tjetër pse Fryma e Shenjtë ka ardhur të banojë në çdo besimtar është që ta **ndryshojë atë**.

Emri i Tij të tregon se çfarë lloj Personi është Ai. Ai është i shenjtë. Kjo do të thotë se Ai është i përsosur dhe i pastër. Ai nuk mund të bëjë asgjë të gabuar. Ai e do çdo gjë që është e mirë dhe e këndëshme. Ai gjithashtu urren çdo gjë që është e pisët dhe e gabuar dhe e mëkatshme.

Lexoni Efesianëve 4:30 nga Bibla juaj.

Këtu Perëndia thotë, “Mos e trishtoni Frymën e Shenjtë”.

Vargu tjetër na tregon disa nga gjërat që e trishtojnë Atë. Ndërsa lexoj vargun, shikoni disa gjëra që e trishtojnë atë. Ngrini dorën nëse doni të përgjigjeni.

Lexoni Efesianëve 4:31 nga Bibla juaj.

- ◆ Hidhërimi (mendime të këqija, dëshirë për “t’ia kthyer të keqen dikujt”).
- ◆ Zemërim (inat).
- ◆ Trazirë (lëndim i njerëzve të tjerë, të luftuarit për të bërë tënden).
- ◆ E folur e keqe (të gënjerit për njerëzit e tjerë për t’i lënduar ata).

Kur Fryma e Shenjtë erdhi që të jetonte në ty në momentin që i besove Krishtit si Shpëtimtarit tënd, Ai filloi punën për të të bërë më shumë si Zoti Jezus. Ai do të vazhdojë të bëjë këtë punë të mrekullueshme pak nga pak, gjatë gjithë jetës tënde (2 Korintasve 3:18).

Ndonjëherë jetët tona ngajnë si një burg i pisët para Frymës së Shenjtë. Kur i lejon gënjeshttrat, mendimet mëkatore dhe mosbindjen në jetën tënde, si mendon si mund të ndihet Fryma e Shenjtë? Ai duhet të ndihet kaq në siklet dhe i trishtuar, i rrethuar nga ato gjëra të mëkatshme.

Bibla na thotë që të mos e trishtojmë Atë duke bërë këto gjëra të gabuara (Efesianëve 4:30). Fryma e Shenjtë mund të të japë ty forcën për t’i thënë “jo” tundimeve. Ai mund të të ndihmojë që të mos i bësh ato gjëra që janë të gabuara. Ai mund të të ndryshojë pak nga pak në një person të këndshëm (Romakëve 8:4). Ndoshta ti ende nuk sheh shumë ndryshime. Mos u dekurajo!

Metoda: Pjesëmarrja në klasë.

Piktura 4-3

Metoda: Lexoni Efesianëve 4:30-31 dhe le t’i përgjigjen fëmijët pyetjeve. Shpjegoni shkurtimisht se çfarë kuptimi kanë fjalët.



VQSh

Shfaq kartën me të vërtetën qendrore.

Perëndia Frymë e Shenjtë **është** duke punuar në jetën tënde. Falenderoje atë për durimin e Tij me ty!

Piktura 4-4

★ **Zhvillimi i ngjarjeve:** Ai është si një poçar - që i jep formë çdo të krishteri.

A keni parë ndonjëherë një poçar duke punuar? Ai është një person që përdor argjilën për të bërë filxhanë ose vazo ose tasa.

Ndoshta keni parë një poçar në një program televiziv. Ai merr një copë argjile dhe e vendos në një rrotë të sheshtë që rrotullohet. Ai i mban duart e tij mbi argjilën dhe gradualisht i jep formën e një modeli të bukur që ka në mendje.

Kjo është një pamje e asaj që Fryma e Shenjtë po bën në jetën tënde. Ai është Poçari i madh që po të jep formë ty pak nga pak. Modeli që Ai ka në mendje është Vetë Zoti Jezus. Ti dhe unë ende nuk i ngjajmë aq shumë Zotit Jezus. Ndonjëherë ti dhe unë ndihemi pak të trishtuar dhe të dekurajuar kur mendojmë për disa nga gjërat e gabuara që ne ende i bëjmë, por Fryma e Shenjtë mund të na kujtojë që Ai po na bën më të mirë dhe më të butë se sa ishim më parë.

A është kjo e vërtetë në jetën tënde? A e do Zotin Jezus më shumë tani se sa vitin e kaluar? Jezusi tha, “Nëse më doni, zbatoni urdhërimet e mia”, (nga Gjoni 14:15). A e sheh se ke dëshirë që t’i bindesh më shumë prindërve të tu? A po përpiqesh më shumë që të thuash të vërtetën?

Nëse është kështu, mund të mendosh, “Është e vërtetë! Fryma e Shenjtë që jeton në mua, po më ndryshon pak nga pak. Jam shumë larg përsosmërisë por e di që Fryma e Shenjtë do të vazhdojë të më ndihmojë të bëhem gjithnjë e më shumë si Zoti Jezus.”

Një ditë, kur të shkojmë në Qiell, në të vërtetë do të jemi përsosmërisht si Zoti Jezus. A nuk është kjo e mrekullueshme?

Piktura 4-5

Pse erdhi Fryma e Shenjtë që të jetonte në ty në momentin kur u shpëtove? A i mban mend dy arsytet për të cilat kemi menduar më parë?

Le të përgjigjen fëmijët.

- ◆ Të të bëj shoqëri.
- ◆ Të të ndryshojë ty pak nga pak që të bëhesh gjithnjë e më shumë si Zoti Jezus.

★ **Zhvillimi i ngjarjeve:** Ai na ndihmon që të jemi të sigurtë se jemi fëmijë të Perëndisë.

Një arsye tjetër është **të të ndihmojë të jesh i sigurt se je fëmijë i Perëndisë** (Romakëve 8:15-16).

Djali shpesh do të të sulmojë dhe do të përpiqet të të bëj të dyshosh nëse je i shpëtuar. Ai dëshiron që ti të vrasësh mendjen, “A jam vërtetë një fëmijë i Perëndisë?”, “A jam vërtetë duke shkuar në Qiell?” ose “A janë falur vërtetë mëkatet e mia?”

Piktura 4-4




VQSh

Lexoni (ose kini një fëmijë më të rritur që të lexojë) vargun prej Biblës tuaj.

Shfaq kartën me zbatimin për fëmijën e shpëtuar: “Falenderoje Atë çdo ditë për punën e Tij të mrekullueshme në jetën tënde”.

Piktura 4-5



Pjesë e punës së Frymës së Shenjtë është që të të ndihmojë t'i përgjigjesh djallit kur ai sulmon. Fryma e Shenjtë të ndihmon të kuptosh se vërtetë je fëmijë i Perëndisë. Ai mund ta bëjë këtë në dy mënyra.

Së pari, Ai sjell në mendje vargje të tilla si Romakëve 10:13, “Kushdo që do ta thërrasë emrin e Zotit do të shpëtohet.” Mund të mendosh, “A i kam thirrur Zotit që të shpëtojë prej mëkateve të mia dhe të më bëjë fëmijën e Tij?” Nëse e ke bërë, atëherë mund ta dish që Ai e ka mbajtur premtimin e Tij për të të shpëtuar. Fryma e Shenjtë e ka vedosur atë varg dhe shumë të tjerë si ai, në Bibël. Ai të ndihmon që të jesh i sigurtë se, sipas këtyre premtimeve, me të vërtetë je fëmijë i Perëndisë.

Mënyra e dytë se si Fryma e Shenjtë të ndihmon për të qenë i sigurt se je i shpëtuar dhe je fëmijë i Perëndisë është duke të ndihmuar të shohësh ndryshimet e vogla që Ai po bën në jetën tënde, edhe kur je vetëm dhe askush nuk të kontrollon për të parë nëse po bën atë që është e drejtë apo jo.

Le të lexojmë një pjesë prej një vargu tjetër të mrekullueshëm nga Fjala e Perëndisë. “Fryma... [thërret], ‘Abba, Atë!’” (Galatasve 4:6). Fjala “Abba” është pikërisht si fjala “Babi” ose “Baba”. Kur ke frikë se mos ndoshta nuk je fëmijë i Perëndisë, Fryma e Shenjtë është Ai që të siguron se në të vërtetë je në familjen e Perëndisë dhe në zemrën tënde qetësisht ti thua, “Po, unë e di që Ti je Ati im në Qiell. Ti je një Atë të cilit mund t'i besoj dhe unë jam biri (bija) Yt.”

Shumë të krishterë të rinj kanë dyshime nëse janë vërtetë fëmijë të Perëndisë. Nëse ke dyshime të tilla, shpresoj që ky mësim vërtetë të të ketë ndihmuar. Por nëse do të doje që të flisja me ty personalisht, të lutem eja dhe flit me mua këtu pasi të mbarojë klubi. Me kënaqësi do të të shpjegoj më shumë dhe do të të ndihmojë si të jetë e mundur.

Piktura 4-6

★ **Zhvillimi i ngjarjeve:** Fryma e Shenjtë mban zjarrin e dashurisë dhe të bindjes të ndezur në zemrën e fëmijëve të Perëndisë.

Është një libër i famshëm i quajtur “Udha e Shtegëtarit” në të cilin është një histori për një burrë të quajtur i Krishter. I Krishteri bën një udhëtim të gjatë dhe një ditë arrin tek një shtëpi e madhe dhe hyn brenda. Në njërin prej dhomave ishte një zjarr që digjej në oxhak por një njeri me pamje shumë të zemëruar po hidhte kova me ujë mbi zjarr për ta shuar atë. Për çudinë e të Krishterit, zjarri nuk po shuhej. I Krishteri vriste mendjen se si kishte mundësi që zjarri të vazhdonte, derisa një mik e çoi atë në dhomën ngjitur me oxhakun dhe aty ishte një njeri që i hidhte vaj zjarrit nëpërmjet një vrime të vogël në mur. Vaji merr zjarr shumë shpejt dhe bën një flakë të madhe.

Njeriu me pamje të zemëruar që i hidhte ujë zjarrit, na bën të mendojmë për armikun tonë, djallin, i cili gjithmonë përpiket të na dekurajojë, që të na bëjë ta duam më pak Zotin Jezus dhe t'i besojmë Atij më pak.

Por është Dikush që është më i fuqishëm se djalli. Ai punon me shumë qetësi në zemrat e fëmijëve të Perëndisë. Ai na kujton ne premtimet e Perëndisë në Bibël. Ai na jep ne forcën për të bërë atë që është e drejtë dhe

VQSh

Lexoni (ose kini një fëmijë më të rritur që të lexojë) vargun prej Biblës tuaj.

VQSh

Shfaqni kartën me zbatimin për fëmijën e shpëtuar.

Vëreni veten tuaj në dispozicion për këshillim personal. (Sigurohuni që të jeni konform rregullave të Politikave për Mbrojtjen e Fëmijës në vendin tuaj.)



Piktura 4-6a

Piktura 4-6b

VQSh



Piktura 4-7

VQSh

Shfaq kartën me zbatimin për fëmijën e shpëtuar.

VQP

Lexoni vargun prej Biblës tuaj

që të jemi një shembull i mirë për të tjerët. Tani ju e dini se kush është Ai, apo jo? Ai është Fryma e Shenjtë. Ai ndihmon dashurinë tonë për Jezusin të ndizet më shumë. Ai na ndihmon ne që të jemi më të fortë dhe që të bëjmë atë që është e drejtë, të jemi të bindur ndaj prinërve tanë dhe mësuesve dhe të jemi miqësorë me të tjerët. A nuk është puna e Frymës së Shenjtë e mrekullueshme?

Piktura 4-7

★ **Përfundimi:** Falenderoje Atin tënd Qiellor për punën e Frymës së Shenjtë në jetën tënde.

A është Fryma e Shenjtë Shoqëruesi dhe Miku yt? Me siguri është, nëse ke besuar në Krishtin dhe i ke kërkuar Atij të të shpëtojë prej ndëshkimit që meriton për shkak të mëkatit tënd. Falendero Atin tënd Qiellor për Frymën e Shenjtë dhe për dashurinë dhe durimin e Tij ndërsa është me ty gjithmonë, duke të bërë ty më shumë si Zoti Jezus dhe duke bërë që dashuria dhe besimi yt në Zotin të ndizet më shumë.

Nëse kurrë nuk i ke besuar Jezusit si Shpëtimtarit tënd, Fryma e Shenjtë dëshiron të të tregojë se je mëkatar. Ai dëshiron që ti të pranosh Zotin Jezus në jetën tënde. Zoti Jezus vdiq në kryq që mëkatet e tua të falen dhe që ti të bëhesh një fëmijë i Perëndisë. Perëndia premton, “Të gjithë atyre që e pranuan [Zotin Jezus], Ai u dha pushtetin të bëhen bij të Perëndisë (Gjoni 1:12). A do ta pranosh Atë sot?”

Pyetje për përsëritje

- 1 Kur vjen Fryma e Shenjtë për të jetuar në zemrën e një fëmije të Perëndisë? (Në momentin që ai beson e Jezusin si Shpëtimtarin e tij).
- 2 Më jepni dy shembuj situatash të vështira në të cilat mund të gjendesh si i krishterë, por që e di që Perëndia Frymë e Shenjtë është me ty. (Përgjigjet do të variojnë – për shembull, kur je në spital për një operacion, ose kur ke një provim të vështirë në shkollë, ose babai juaj ka dalë nga puna, ose kur keni humbur në një dyqan të madh, ose kur ka një stuhi me vetëtima dhe bubullima, ose nja dy fëmijë më të mëdhej në shkollën tuaj ju ngacmojnë gjithmonë).
- 3 Çfarë e trishton Frymën e Shenjtë? (Mëkati ynë).
- 4 Në çfarë mënyre mund ta krahasoni Frymën e Shenjtë me një poçar? (Poçari i jep formë argjilës për të bërë një enë dhe Fryma e Shenjtë i jep formë besimtarit që ta bëhet më shumë si Jezusi).
- 5 Fryma e Shenjtë përdor dy mënyra për ta siguruar të krishterin se është vërtetë një fëmijë i Perëndisë. Cilat janë ato? (Nëpërmjet premtimeve në Bibël; nëpërmjet jetës së të krishterit e cila duhet ta kënaq gjithnjë e më shumë Perëndinë).
- 6 Çfarë pa “I Krishteri” (shtegëtari) në shtëpinë e madhe? (Një zjarr që digej në oxhak dhe një njeri me pamje shumë të zemëruar që i hidhte kova me ujë zjarrit për ta shuajtur, por zjarri nuk shuhej).

- 7 Kush është personi që përpiqet të na dekurajojë dhe të “shuajë” dashurinë tonë për Zotin dhe dëshirën tonë për ta kënaqur Atë? (Djalli/Satani).
- 8 Fryma e Shenjtë është Ai që “mban zjarrin të ndezur” në jetën e të krishterit. A mund ta shpjegoni se çfarë kuptojmë kur themi “mban zjarrin të ndezur” (Ai vazhdon të na inkurajojë ne dhe të na ndihmojë ta duam dhe t’i shërbejmë Perëndisë).

Aktivitet

Fryma e Shenjtë ndihmon kur djalli sulmon

Fotokopjoni labirintin (faqe 41) për të gjithë fëmijët që keni.

Mësimi 5

Fryma e Shenjtë u jep forcë fëmijëve të Perëndisë

Shkrimi për mësuesit

Romakëve 8:26

Veprat 1:8

Gjoni 14:26-27

Gjoni 16:13

Efesianëve 4:30,32

Isaia 63:10

E vërteta qendrore

Fryma e Shenjtë ndihmon fëmijët e krishterë që t'i pëlqejnë Perëndisë

Zbatimi

I Shpëtuar: Kërkoji Atij që të të ndihmojë dhe besojë Atë se do të të ndihmojë

Vargu përmendësh

Përsëritje 1 Gjoni 4:4

Me fëmijët më të rritur përsëritni vargun e mësuar më parë.

Ndihmat vizuale

- ♦ Pikturat: 5-1, 5-2, 5-3, 5-4, 5-5 dhe 5-6
- ♦ Shirita fjalësh: “Fryma e Shenjtë ndihmon fëmijët e krishterë që t'i pëlqejnë Perëndisë” (e vërteta qendrore) and “Kërkoji Atij që të të ndihmojë dhe besojë Atë se do të të ndihmojë” (Zbatimi për fëmijën e shpëtuar)

Skica e mësimit

Hyrje

A je ndierë ndonjëherë vërtetë i lodhur? VQSh

Zhvillimi i ngjarjeve

- 1 Fryma e Shenjtë **lutet** për besimtarin VQSh
- 2 Fryma e Shenjtë na thotë që t'u **tregojmë** të tjerëve për Jezusin VQSh
- 3 Çështje studimi – Mira mëson t'u dëshmojë të tjerëve VQSh
- 4 Fryma e Shenjtë të ndihmon **të kuptosh Biblën** VQSh
- 5 Çështje studimi - Sidriti mëson të falë

Përfundimi

Përsëritje e pikave kryesore në të mësimit VQSh

Mësimi

★ **Hyrja:** A je ndierë ndonjëherë vërtetë i lodhur?

A je ndjerë ndonjëherë vërtetë i lodhur pas një udhëtimi të gjatë me biçikletë, ose pas një loje të fortë futbollit, ose pasi ke notuar shumë? Të duket sikur nuk ke më fuqi për të bërë gjë.

Ndonjëherë të krishterët ndihen kështu, jo vetëm në trupat e tyre por në mendjet dhe ndjenjat e tyre. Ndihen të rraskapitur, ndërsa përpiqen të bëjnë gjënë e drejtë. Ndihen të lodhur në përpjekjen për t'i treguar miqve të tyre që nuk e njohin Zotin Jezus për lajmin e mirë të shpëtimit. Ndonjëherë duket se është tepër e vështirë të lutesh dhe të lexosh Biblën. A ndihesh ndonjëherë kështu? Fryma e Shenjtë jeton tek çdo besimtar dhe qëndron me të ditë pas dite për t'i dhënë atij fuqi për të bërë atë që është e drejtë.

VQSh

Metoda: Pyetje dhe përgjigje.



Piktura 5-1

Piktura 5-1

★ **Zhvillimi i ngjarjeve:** Fryma e Shenjtë lutet për besimtarin.

Le të lexojmë Romakëve 8:26. Dëgjoni dy gjëra që bën Fryma e Shenjtë, të cilat na i tregojnë ky varg.

“...edhe Fryma na ndihmon në dobësitë tona, sepse ne nuk dimë çfarë të kërkojmë në lutjet tona, sikurse duhet; por vetë Fryma ndërhysh për ne me psherëtima të patregueshme.”

A i vutë re ndërsa po lexoja?

- ◆ Ai ndihmon.
- ◆ Ai ndërhysh me psherëtima.

(Të “ndërhysh” do të thotë se Ai lutet për fëmijët e Perëndisë). Kur psherëtin një njeri? Po, kur ka dhembje. Fryma e Shenjtë psherëtin sepse Ai i ndien dhembjet tona. Ai e di kur jemi sëmurë, të lënduar, të lodhur ose të vetmuar dhe kështu Ai psherëtin. Ne nuk mund t'i dëgjojmë psherëtimat e Tij, por Ai bën më tepër se kaq – Ai na ndihmon ne dhe Ai lutet për ne. Ne nuk e dimë në të vërtetë se si të lutemi. Lutjet tona shpesh janë të paplota, por Fryma e Shenjtë i lutet Perëndisë për ne që ne të jemi të fortë për të bërë atë që është e drejtë dhe të vazhdojmë ta bëjmë atë. Kur i lutesh qetësisht Perëndisë në shtëpi, a nuk është e mrekullueshme të dish se Fryma e Shenjtë po lutet për ty dhe me ty!

VQSh



Piktura 5-2

Piktura 5-2

★ **Zhvillimi i ngjarjeve:** Fryma e Shenjtë na thotë që t'u tregojmë të tjerëve për Jezusin.

Pasi Zoti Jezus kishte vdekur dhe ishte ringjallur, Ai kaloi edhe dyzetë ditë më shumë në tokë para se të kthehej në Qiell. Pikërisht para se të largohej nga toka, Ai i mblodhi dishepujt e Tij së bashku dhe u tha atyre se Ai nuk do t'i linte por se Ai do të dërgonte Frymën e Shenjtë që të ishte me ta. Edhe para se të vdiste, Jezusi kishte premtuar se Ai nuk do t'i linte ata si jetimë.

Kjo ndodhi dhjetë ditë më vonë, kur dishepujt ishin së bashku në Jeruzalem dhe Fryma e Shenjtë zbriti mbi ta me zhurmën e një ere të fortë dhe me gjuhë të vogla flake. Duhet të ketë qenë një kohë shumë e

gëzueshme – madje pak e frikshme. Pse kishte ardhur Fryma e Shenjtë prej Qielli? Nëse e dëgjoni premtimin që Zoti Jezus kishte dhënë më parë atëherë do ta kuptoni përgjigjen. Jezusi kishte thënë, “Ju do të merrni fuqi kur Fryma e Shenjtë do të vijë mbi ju dhe do të bëheni dëshmitarët e Mi” (Veprat 1:8).

Po, Fryma e Shenjtë erdhi që t’u jepte dishepujve fuqi për t’i treguar të tjerëve për Zotin Jezus. Menjëherë Pjetri dhe dishepujt e tjerë nuk kishin më frikë dhe dolën të predikonin për Zotin Jezus. Atë ditë një turmë e madhe dëgjoi Ungjillin dhe rreth 3,000 njerëz besuan në Jezusin si Shpëtimtarin e tyre.

Fryma e Shenjtë mund të na japë gjithashtu, ty dhe mua, këtë fuqi – për t’i treguar miqve tanë për Jezusin që erdhi për t’i shpëtuar ata prej mëkatit të tyre. Ndonjëherë kjo nuk është e lehtë, por nëse ke besuar në Jezusin si Shpëtimtarin tënd, Fryma e Shenjtë është me ty për të dhënë forcën dhe kurajon që t’u tregosh të tjerëve për Të.

Piktura 5-3

★ **Zhvillimi i ngjarjeve:** Çështje studimi – Mira mëson t’u dëshmojë të tjerëve.

Le të përfytyrojmë situatën e një vajze në shkollë. Le ta quajmë Mira. Mira është nëntë vjeçe dhe shkon në një shkollë të madhe në qytet. Në Klubin Lajmi i Mirë, vitin që shkoi ajo pranoi Zotin Jezus si Shpëtimtarin e saj. Që atëherë Fryma e Shenjtë ka filluar që të ndryshojë jetën e saj. Ajo nuk është aq egoiste sa ka qenë para se të shpëtohej. Ajo tani është më e mirë. Disa nga fjalët e këqia që ajo thoshte më parë, tani nuk dalin më nga goja e saj. Ajo sillet më mirë në klasë.

Eneda (njëra nga vajzat me të cilën Mira nuk shkonte mirë më parë) erdhi një ditë tek ajo në pushim dhe i tha, “Mira, ti ke ndryshuar shumë që prej vitit të kaluar. Dukesh si një person tjetër. Çfarë të ka ndodhur?”

Mira pati një mundësi të mrekullueshme për t’i treguar Enedës se si Zoti Jezus kishte ardhur në jetën e saj nëpërmjet Frymës së Shenjtë dhe se si Ai e ndihmonte atë ditë pas dite. Ajo gjithashtu i dha një fletushkë Ungjilli Enedës. Mira shpreson dhe lutet që shumë shpejt Eneda t’i kërkojë Zotit që t’ia falë mëkatet dhe ta besojë Atë si Shpëtimtarin e saj.

1 Kush po e ndihmonte Mirën që t’i dëshmonte Enedës? (Fryma e Shenjtë).

Disa minuta më parë ne lexuam vargun nga Veprat 1:8, i cili na tregon se Fryma e Shenjtë u jep fuqi fëmijëve të Perëndisë që t’i tregojnë të tjerëve për Jezusin.

2 Mira i dëshmoi Enedës dhe nxënësve të tjerë në shkollë në dy mënyra. Cilat janë ato? (Veprimet dhe fjalët e saj).

3 Çfarë ndryshimesh kishte bërë tashmë Fryma e Shenjtë në jetën e Mirës? (Ajo nuk ishte egoiste, ishte më e mirë, kishte ndaluar së përdoruri fjalët e këqija dhe sillej shumë më mirë në klasë).

Lexoni (ose kini një fëmijë më të rritur që të lexojë) vargun prej Biblës tuaj.

VQSh

Shfaqni kartën me të vërtetën qendrore: “Fryma e Shenjtë ndihmon fëmijët e krishterë që t’i pëlqejnë Perëndisë”.



Piktura 5-3

Metoda: Çështje studimi.

Bëni kopje të pesë pyetjeve në mësim. Do të keni nevojë për një kopje për çdo pesë ose gjashtë fëmijë në klasën tuaj.

Tregojani historinë e Mirës të gjithë klasës.

Ndajini fëmijët në grupe me nga pesë ose gjashtë që t’i përgjigjen pyetjeve. Shpjegoni se ata nuk

duhet t'i përgjigjen me zë pyetjes pesë.

Lejojini fëmijët të diskutojnë pyetjet për dy ose tre minuta.

Mblidhni përsëri bashkë fëmijët dhe pyetini për përgjigjet e tyre.

Shtojini përgjigjeve të tyre komentet tuaja.

VQSh

Një përzgjedhje fletushkash për fëmijë prodhohet nga Bashkësia e Ungjillizimit të Fëmijëve dhe janë në dispozicion në Zyrën Kombëtare të BUFSh. Nëse keni nevojë për një adresë, kontaktoni BUFSh (adresa në fillim të këtij libri).

Piktura 5-4



VQSh

Shfaqni kartën me zbatimin për fëmijën e shpëtuar: "Kërkoji Atij që të të ndihmojë dhe besojë Atë se do të të ndihmojë".

Piktura 5-5

Nëse fëmijët e pëlqyen dhe përfituan prej çështjes së studimit për Mirën, kjo është një çështje për Sidritin.

- 4 A mund të mendoni për njerëz të tjerë, përveç shokëve të shkollës, të cilëve Mira mund t'u dëshmojë një herë tjetër? (Për shembull, familja e saj.)
- 5 Nëse do të ndryshonim emrat në histori, ku do ta vendosnim emrin tënd? Në vend të Mirës, apo në vend të Enedës? A je si Mira, një i krishterë që po mëson t'u dëshmojë të tjerëve? Apo je si Eneda, ende i pashpëtuar dhe që ke nevojë të të falen mëkatet?

Në fund të klasës ka disa fletushka. Nëse je besimtar, a do të doje të merrje një fletushkë pas klubit dhe t'ia jepje një miku gjatë kësaj jave dhe ta ftohe atë që të vijë në Klubin tonë Lajmi i Mirë për të dëgjuar Ungjillin? Fryma e Shenjtë do të të ndihmojë që të jesh një dëshmues i mirë. Ai gjithashtu mund të punojë në zemrat e miqve të tu, duke i treguar atyre se edhe ata kanë nevojë për Jezusin si Shpëtimtarin e tyre. Ndoshta javën tjetër në Klubin Lajmi i Mirë mund të më tregosh nëse ke folur me dikë për Jezusin, ose ndoshta do të më prezantosh me një shok që ke sjellë me vete për të dëgjuar për Jezusin!

Piktura 5-4

Fryma e Shenjtë lutet për fëmijët e Perëndisë që ata të kenë kurajon dhe forcën që të bëjnë atë që është e drejtë dhe të jenë dëshmitarë të mirë për Zotin Jezus.

★ **Zhvillimi i ngjarjeve:** Fryma e Shenjtë të ndihmon të kuptosh Biblën.

Fryma e Shenjtë gjithashtu fuqizon fëmijët e Perëndisë në mënyrë tjetër – Ai i ndihmon ata të kuptojnë Biblën.

A e mbani mend disa javë më parë, se si mësuam pak për mënyrën se si Fryma e Shenjtë na e dha Biblën dhe se si na ndihmon Ai që ta kuptojmë atë? (Gjoni 14:26.)

Le të supozojmë se ishe duke lexuar një libër që ishte shumë, shumë interesant por që kishte disa gjëra për të cilat nuk ishe shumë i sigurt nëse e kuptove domethënien e saktë të tyre. Një ditë vjen dikush për vizitë në shtëpinë tënde dhe ti zbulon që ai është shkruesi i librit. A nuk do të ishte e mrekullueshme që t'i drejtoheshe atij dhe t'i thoje, "Po kënaqem me librin tuaj, por a mund të më shpjegosh se çfarë doje të thoje në faqen 124?"

Kjo është pikërisht ajo që mund të bësh ndërsa lexon Biblën. Nëse je fëmijë i Perëndisë, Shkruesi i Biblës jeton me ty. Ai nuk është thjeshtë një vizitor. Ndërsa lexon pak nga Fjala e Perëndisë çdo ditë, mund t'i lutesh Perëndisë dhe t'i kërkojë që Fryma e Shenjtë, Autori i Biblës, të të ndihmojë të kuptosh dhe t'i bindesh asaj që Ai ka shkruar për ty.

Piktura 5-5

★ **Zhvillimi i ngjarjeve:** Çështje studimi - Sidriti mëson të falë.

Do t'ju tregoj një histori tjetër të sajuar. Këtë herë do ta quajmë djalin Sidrit.

Sidriti po lexonte Biblën e Tij një mëngjes. Para se të fillonte, ai i kërkoj Perëndisë që ta ndihmonte të kuptonte atë që do të lexonte. Ai lexoi nga

Efesianëve 4:32 - “Por jini të mirë dhe të mëshirshëm njeri me tjetrin, duke e falur njëri-tjetrin, sikurse edhe Perëndia ju ka falur në Krishtin.”

“E drejtë,” mendoi Sidriti. “Perëndia i fali mëkatet e mia. Duhet të mësoj t’i fal të tjerët.”

Pastaj ai u lut që Perëndia ta ndihmonte atë dhe vrapoi shpejt për në shkollë. Në drekë kur po luante futboll Toni, njëri nga shokët e tij, e goditi shumë fort.

Sidriti ishte gati t’ia jepte një grusht mbrapsht, ndëkohë që fjalët “duke e falur njëri-tjetrin, ... sikurse edhe Perëndia... ju ka falur” i erdhën në mendje. Ai vazhdoi të luante dhe nuk ia ktheu të keqen Tonit.

Piktura 5-6

Atë mbrëmje në shtëpi, ai po përfundonte pjesët e një formueseje, kur Ana (motra e tij e vogël) papritur hodhi poshtë në dysheme shumë pjesë të formueses. Sidriti ishte gati t’i bërtiste me inat asaj kur kujtoi fjalët e Biblës - “duke e falur njëri-tjetrin, ... sikurse edhe Perëndia... ju ka falur.” Sidriti i mblodhi pjesët duke mos u grindur.

Le t’i përgjigjen fëmijët pyetjeve.

- 1 Sidriti e filloi ditën e tij shumë mirë si i krishterë. Si? (Ai lexoi Biblën dhe u lut).
- 2 Pse u lut para se të lexonte Biblën? (Ai i kërkoi Perëndisë ta ndihmonte të kuptonte atë që do të lexonte).
- 3 Kush e ndihmoi atë të kuptonte vargun e Biblës? (Fryma e Shenjtë).
- 4 Si e tregoi ai në shkollë se vërtetë e kishte kuptuar atë që kishte lexuar në mëngjes? (Kur Toni e goditi ndërsa po luanin futboll, Sidriti nuk ia ktheu me goditje).
- 5 Si e tregoi në shtëpi se e kishte kuptuar? (Kur Ana hodhi në dysheme pjesët e formueses, Sidriti nuk i bërtiti por i mblodhi pjesët pa u grindur).

★ **Përfundimi:** Përsëritje e pikave kryesore në të mësimin.

Kemi mësuar shumë gjëra për Frymën e Shenjtë. Nëse i ke besuar Zotit Jezus si Shpëtimtarit tënd, Perëndia Frymë e Shenjtë është me ty kur ke frikë ose ndihesh vetëm. Ai është me ty kur njerëzit të ngacmojnë dhe tallen me ty.

- ♦ Ai është me ty kur lexon Biblën, që të të ndihmojë ta kuptosh dhe t’i bindesh.
- ♦ Ai është me ty kur dëshiron t’i tregosh të tjerëve se i përket Zotit Jezus.
- ♦ Ai është me ty duke të të ndihmuar që të lutesh.

Ai është Miku yt përgjithmonë. Mos bëj asgjë që do ta lëndonte Atë! Dëgjoje Atë! Bindju Atij menjëherë! Lëre atë të të ndryshojë! Atëherë do të kesh gëzimin e Zotit në zemër.

Ndiqui të njëjtat hapa si më parë.

Nëse parapëlqeni kështu, vetëm tregojeni historinë bëjani vetë pyetjet të gjithë klasës.



Piktura 5-6



VQSh

Shfaqni kartën me zbatimin për fëmijën e shpëtuar.

Pyetjet e përsëritjes

Për këtë mësim nuk kemi përfshirë pyetje për përsëritje.

Aktivitetet

Skeç

Fëmijët e pëlqejnë shumë një skeç të vogël dhe sigurisht që do të përforcojë edhe mësimin e dhënë në figurën 5-5.

Për personazhin kryesor, zgjidhni një fëmijë të shkathët të cilit do t'i pëlqente ky rol. Fëmijët më të turpshëm le të marrin role më të vogla.

Keni nevojë për gjashtë “aktorë” për këtë skeç:

- ◆ Sidriti
- ◆ Dy shokë me të cilët ai luan futboll
- ◆ Dikë “jashtë skenës” për të lexuar Efesianëve 4:32 në skenat 2 dhe 3
- ◆ Ana (Motra e Sidritit)
- ◆ Dikë që të mbajë tre fletë me shkrimin “Skena 1 - dhoma e gjumit e Sidritit”, “Skena 2 - koha e drekës në shkollë”, Skena 3 - dhoma e ndenjes”

Skena 1

Sidriti (me vete) lexon Biblën e tij me zë të lartë afër krevatit të tij në mëngjes. “Por jini të mirë dhe të mëshirshëm njeri me tjetrin, duke e falur njëri-tjetrin, sikurse edhe Perëndia ju ka falur në Krishtin” (Efesianëve 4:32).

Skena 2

Sidriti dhe dy shokët e tij po luajnë futboll në shkollë gjatë drekës. Njëri nga ata e godet atë. Ai ngrihet me inat për ta goditur me grusht shokun e tij, por ... (veprimi ndërpritet). Zëri jashtë skenës dëgjohej, “duke e falur njëri-tjetrin, sikurse edhe Perëndia ju ka falur në Krishtin.” Sidriti nuk godet por vazhdon të luaj me dashuri.

Skena 3

Atë mbrëmje Sidriti dhe Ana janë në dhomën e ndenjes në shtëpi. Sidriti po punon me formuesen e tij. Ana hedh pjesët në dysheme. Sidriti është gati t'i bërtasë asaj, por... (veprimi ndërpritet). Efesianëve 4:32 dëgjohej jashtë skenës. Sidriti i mbledh pjesët me qetësi.

Mund të bëni një ose dy pyetje të tjera pas skeçit për ta përforcuar më tej mësimin:

- 1 Perëndia, në momentin e tundimit nuk do të të flasë me një zë siç e pamë në skeçin tonë të vogël. Si do të të flasë Ai? (Ai mund të të kujtojë diçka që ke lexuar në Bibël atë mëngjes, ose diçka që e ke dëgjuar në Klubin Lajmi i Mirë.)
- 2 A do të planifikosh edhe ti një kohë për të lexuar Fjalën e Perëndisë çdo mëngjes? Ku do ta bësh? Kur? Si do ta mbash mend atë që ke lexuar?

Bibla kurrë nuk vjetërohet

Aktivitet - mësimi 2

Mund të shtoni një figurë tjetër të diçkaje të vjetër ose të prishur. Nëse dëshironi mund t'i ngjyrosni figurat e gjërave të vjetra me ngjyrë të errët dhe ngjyroseni Biblën me ngjyrë të ndritshme.



Çdo herë që sheh diçka të vjetër, të prishur ose të ndryshkur, falendero Perëndinë që Bibla nuk vjetërohet kurrë



Një labirint

Aktivitet - mësimi 3

Ndihmoje këtë fëmijë të gjejë rrugën për në shtëpi.

Edhe ti, gjithashtu, ke nevojë për Frymën e Shenjtë që të të udhëheqë për tek Jezusi dhe për në shtëpi në Qiell.


Shtëpia!



Fillimi

Fryma e Shenjtë ndihmon kur djalli sulmon

Aktivitet - mësimi 4





Përmbledhje e hapave për këshillimin e fëmijës që dëshiron të bëhet i krishterë

Sigurohu që fëmija ka kuptuar

Perëndinë

Kush është Perëndia?

Perëndia na bëri. Ai na flet nëpërmjet Biblës. Perëndia është i shenjtë dhe i pastër. Ai na do ne.

Mëkatin

Çfarë është mëkati?

Mëkati është mosbindje ndaj urdhërimeve të Perëndisë. Është kundër Perëndisë.

Flisni rreth mëkateve specifike.

Fëmija është mëkatar në natyrë dhe në veprim (ne mëkatojmë sepse jemi mëkatarë).

Mëkati meriton vdekjen.

Shpëtimtarin

Kush është i vetmi që mund të të heqë mëkatin?

Perëndia Bir vdiq në kryq për mëkatarët. Zoti Jezus u ringjall prej së vdekuri. Ai është Zot mbi të gjithë.

Shpjegoni se si mund të shpëtojë

Shpjegoni se çfarë dëshiron Zoti që të bëjmë ne dhe çfarë do të bëjë Ai.

Përdorni një varg biblik (Gjoni 1:12; 3:16; 6:37; Veprat 16:31; Romakëve 6:23 or 10:13).

Çfarë dëshiron Zoti që të bësh? Çfarë do të bëj Zoti?

Paralajmëroni për vështirësitë.

Pyesni: "A dëshiron t'i besosh Krishtit, apo do të doje të prisje?"

Inkurajojeni fëmijën që të lutet me zë (nëse është gati).

Flisni për sigurinë e shpëtimit

Kthehuni tek vargu që përdorët. Flisni për një jetë të ndryshuar.

Tregojini se çfarë mund të dijë një person që i beson vërtetë Krishtit.

Jepini (më vonë) disa udhëzime për jetën e krishterë

Lexoje dhe bindju Biblës tënde.

Flit me Perëndinë Atin tonë Qiellor.

Tregoju të tjerëve se çfarë ka bërë Zoti për ty. Kërkoji Perëndisë që të të falë kur mëkaton. Takohu me të krishterë të tjerë.

Mbaj mend premtimet e Perëndisë : "Nuk do të të lë, nuk do të të braktis" (Heb 13:5).